


天中記

十三之四



宮室

				三〇一	漢書門
			九	五	
		八	三	號	類
三〇	冊	架	函	號	

三〇	函	架	冊	號	類
三〇	函	架	冊	號	類
三〇	函	架	冊	號	類
三〇	函	架	冊	號	類
三〇	函	架	冊	號	類
三〇	函	架	冊	號	類
三〇	函	架	冊	號	類
三〇	函	架	冊	號	類
三〇	函	架	冊	號	類
三〇	函	架	冊	號	類

內閣文庫	
番號	漢 3015
冊數	30 (7)
函號	366 81



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



天中記卷之十一

漢書文庫

朗陵陳耀文晦伯南纂

四明屠隆緯貞甫校

都邑

都邑都者國君所居人所都會也邑猶俛聚會之稱也

釋名凡邑有宗廟先君之主曰都無曰邑邑曰築都曰城


左 十

京師京師者何天子之居也京者何大也師者何衆也

居必以衆大之辭言之公羊桓九地方千里周城于

雉宮室官府制度廣大四方各以其職來貢莫不備具

所以必自有地者治自近始



徑千里京師者千里之邑號也法日月之徑千里王制
 曰天子之田方千里或曰夏曰夏邑殷曰商邑周曰京
 師尚書曰率割夏邑謂桀也在商邑謂殷也白虎通
 丘之絕高大者為京謂非人力所能成乃天地性自然
 也左傳莫之與京國語趙文子與叔回游於九京今京
 兆京師其義取於此風俗通
 甸服天子畿方千里曰甸服甸服之內曰京師世紀五百
 里甸服禹貢祭公謀父曰夫先王之制邦內甸服甸服者
 祭周語晉文公請隧襄王曰昔我先王之有天下也規方
 千里以為甸服以供上帝山川百神之祀以備百姓兆
 民之用以待不庭不虞之患上千里之內曰甸京邑在

其中央王制甸王田也服服其職業也國語注
 統四方王制始建國立都必居中土所以摠天
 地之和據陰陽之正均統四方旁制萬國者也五經要義
 建王城昔先王之經邑也掩觀九隩靡地不營土圭測
 景不縮不盈終風雨之所交然後以建王城東京賦
 神州崑崙東南方五千里謂之神州中有和羹鄉方三
 千里五岳之城帝王之宅聖人所生也王粲古論
 赤縣崑崙東南有赤縣之州風雨有時寒暑有節苟非
 此土南則多暑北則多寒東則多陰故聖人不處焉靈
 廣州凡立國都非大山之下必廣州之上高無近旱而
 水用足下無近水而溝防省因天材就地利故城國不

必中規矩道路不必中準繩管子

翼翼詩曰商邑翼翼四方之極武此成湯所以建至治

保子孫化異俗而懷鬼方也前匡

三毫殷有三毫二毫在梁國一毫在河南也穀熟為南

毫即湯都也蒙為北毫即景毫湯所盟地偃師為西毫

則盤庚所徙也紀

宗周周自后稷至于文武皆都關中號為宗周博物

二周王城者何西周也成周者何東周也昭公河南即

郊廓武王遷九鼎周公營以為都是為王城洛陽周公

所營下都以遷頑民是為成周平王東遷之後所謂西

周者豈鄙也東周者洛都也威烈王以後所謂西周者

河南也東周者洛陽也何以稱河南為西周自洛陽下

都視王城則在西也何以稱洛陽為東周自河南王城

視下都則在東也大

地中大司徒以土圭之法測土深正日景以求地中日

至之景尺有五寸謂之地中天地之所合也四時之所

交也風雨之所會也陰陽之所和也然則百物阜安乃

建王國焉制其畿方千里而封樹之周禮畿方千里取

象于日注土方氏以土圭之法以致日景以土地相宅

而建邦國都鄙夏

造邑量人掌建國之法以分國為九州營國城郭營后

宮量市朝道巷門渠造都邑亦如之夏

天中記

卷之三

官

營國匠人營國方九里旁三門國中九經九緯經涂九軌左祖右社面朝後市冬官

鄴鄘文王作鄴武王作鎬其民有先王之遺風地理志鄴

邑在豐水之西鎬京在豐水之東詩文王有聲注周自武王克

殷都於鄴鎬雍州為王畿及平王東遷洛邑以岐鄴之

地賜秦襄公則秦地累世都之晉地理志

四塞秦地被山帶河以為固四塞之國也自繆公以來

至於秦王二十餘君常為諸侯雄豈世世賢哉其勢居

然也論過秦

金城秦孝公據崤函之固擁雍州之地始皇踐華為城

因河為池據億丈之城臨不測之淵以為固天下已定

自以為關中之固金城千里子孫帝王萬世之業也

搃肱高祖在洛陽委敬說曰陛下都洛陽豈欲與周室

比隆哉成王即位而營成周洛邑以此為天下之中也

有德則易以王無德則易以亡夫與人鬪不搃其肱拊

其背未能全其勝也今陛下入關而都案秦之故此亦

搃天下之肱而拊其背也史敬傳

天府劉敬說高帝都關中上疑之左右大臣皆山東人

多勸上都漆陽曰東有成臯西有殽崑倍河向洛其固

亦是恃張良曰雒陽四面受敵此非用武之國也夫關

中左殽函右隴蜀沃野千里南有巴蜀之饒北有胡苑

之利阻三面而守獨以一面東制諸侯此所謂金城千

里天府之國也史

百二秦形勝之國也帶河阻山縣隔千里持戟百萬秦得百二焉地執便利其以下兵於諸侯譬猶居高屋之上建瓴水也前紀

陸海漢興去三河之地止霸產以西都涇渭之南此所謂天下陸海之地秦之所以虜西戎兼山東者也東方朔傳教化原本長安天子之都親承聖化然其習俗無以異於遠方郡國來者無所法則或見侈靡而放效之此教化之原本風俗之樞機宜先正者也匡衡傳御外大漢之崇世藉靡之饒得御外理內之術夫靡州本帝皇所以育業西朔王所以衍功戟士角難之場也閔

梁之險多所衿帶一卒舉礪千夫沈滯肇十有二是為

瞻腴斯固帝王之淵囿而守國之利器也後漢杜篤論

上都漢之初經營也寔用西遷作我上都西都賦

帝畿漢之西都在於雍州寔曰長安華實之毛則九州

之上腴焉防禦之阻則天地之隩區焉是故橫被六合

三成帝畿周以龍興秦以虎視上

疆幹弱枝英俊之域紱冕所興疆幹弱枝隆上都而觀

萬國上畿內數州實惟邦本地狹人稠儲蓄未多特宜

優衿令得休息強本弱枝自古常事舊唐高季輔傳

天邑漢氏初都在渭之涘秦里其朔寔為咸陽廣衍沃

野厥田上上寔為地之奧區神臯高帝圖時意亦有慮

乎神祇宜其可定以為天邑兩京逆胡劉曜縱逸西都

敢肆犬羊陵霄天邑劉堪勸肆予敢求爾天邑尚書

天府之國淳于定說南陽王模曰關中天府之國霸王

之地今以不能綏撫而還於聲望有虧晉傳

天下樞秦地天下樞八方湊才賢表淑白范子見秦王

曰今韓魏天下之樞也戰國策

神明之奧雍州之地古稱天府右控隴蜀左扼嶓函前

有終南太華之險後有清渭濁河之固神明之奧王者

所都此用武之國非諸夏所同秦漢因之卒成帝業間

者羯胡構亂九服分崩河北河南盡從逆命然而先帝

伏朔方之衆慶緒奔亡陛下藉西土之師朝義就戮豈

唯天道助順抑亦地形使然舊唐郭子儀傳

王業根本今之關中即古者邦畿千里之地也王業根

本於是在焉秦嘗用之以傾諸侯漢嘗因之以定四海

蓋由憑山河之形勝宅田里之上腴弱則內保一方當

天下之半可以養力俟時也疆則外制東夏據域中之

大可以蓄威昭德也陸宣公關中事宜狀

居重馭輕國家之立也本大而末小是以能固左師王

畿者四方之本也京邑者又王畿之本也其勢當令京

邑如身王畿如壁四方如指斯乃居重馭輕天子之大

權也太宗列置府兵分隸禁衛大凡諸府八百餘所而

在關中殆五百馬舉天下不敵關中則居重馭輕之意

內史秦京師為內史前地理志師古曰京師天子所都畿內

也秦并天下改立郡縣而京畿所統特號內史言其在

內以別於諸郡守也

厭權遠難翼奉元帝初上疏曰天道有常王道亡常亡

常者所以應有常也願陛下徙都於成周左據成臯右

阻龜池前鄉崧高後介大河建榮陽扶河東南北千里

以為關而入敖倉地方百里者八九足以自娛東厭諸

侯之權西遠羗胡之難陛下共已亡為按成周之居兼

盤庚之德萬歲之後長為高宗前漢

東都召伯相宅卜惟洛食周公初基其繩則直泝洛

河左伊右瀍西阻九阿東門于旋太室作鎮揭以熊耳

底柱輟流鍾以大岬東京賦增周舊脩洛邑扇魏山魏頭翼

翼光漢京于諸夏總八方而為之極且夫僻界西戎險

阻四塞脩其防禦孰與處乎土中平夷洞達萬方輻奏

秦嶺九峻涇渭之川曷若四瀆五嶽帶河泝洛圖書之

淵東郊賦

大湊周公將致政南繫于洛水北因于邾山以為天下

之大湊周書作維解

天室武王曰我南望過于三塗我北望過于有嶽丕願

瞻過于河宛瞻于伊洛無遠天室其曰茲曰度邑度邑解

武王平商維定保天室規擬伊洛作度邑序

淳澹柱篤以閔中表襄山河先帝舊京不宜改營洛邑
乃上奏論都賦埒井之潢汙固不容夫吞舟且洛邑之
淳澹曷足以居乎萬乘哉咸陽守國利器不可久虛以
示姦萌後漢成周之隆乃即中浴知而不從久都堯堉上
寧姬董卓議遷都長安黃琬駁議之曰昔周公營洛邑
以寧姬東都以隆漢天之所啓神之所安大業既定豈
光武卜宜妄有遷動以虧四海之望後漢卓謂陳紀曰三輔平敵
四面險固土地肥美號為陸海今欲西遷何如紀曰天
下有道守在四夷寇脩德政以懷不附若欲徙萬乘以
自安將有累卵之危崢嶸之險也上
深根固本荀彧曰昔高祖保關中光武據河內皆深根

固本以制天下進足以勝敵退足以堅守故雖有困

而終濟大業魏志

王里魏孝文外示南伐意在謀遷謂任城王澄曰國家
興自北土徙居平城用武之國非可文治嶠函帝宅河
洛王里因茲大舉光宅中原任城意以為何如澄曰伊
洛中區均天下所據陛下制馭華夏輯平九服蒼生聞
此應當大慶本傳

神都孝文議移都南安王禎曰廓神都以延王業度土
中以制帝京周公啓之于前陛下行之于後固其宜也

李中傳則天光宅元年九月改東都為神都唐書

紫縣孝文自代還洛詔司州主簿裴仲規曰朕開置神

畿郡望優重卿既首膺司隸美舉復督我名邦何能自
致也仲規曰陛下窮神盡聖應天順民棄彼玄壤來宅
紫縣臣方罄心力躍馬吳會豈一郡而已帝笑曰異卿
必副此言延偽傳

伊域崔僧淵復族兄惠景書曰主上安遷靈荒兆變帝
基維新中壤宅臨伊域河洛之間重隆周道玄伯傳

四塞隋煬帝幸洛陽詔曰安安而能遷民用丕變是故
媚邑兩周如武王之意殷人五徙成湯后之業維邑自
古之都王畿之內天地之所合陰陽之所和控以三河
固以四塞水陸通貴賦等故漢祖曰吾行天下多矣唯
見雒陽成周墟壻弗堪葺宇今可於伊雒營建東京便

即設官分職以為民極也隋紀初煬帝登北邙觀伊闕顧

曰此龍門耶自古何為不建都於此僕射蘇威對曰自

古非不知以俟陛下帝大悅然其地北據山麓南望天

關水木滋茂川源形勝自古都邑莫有此也西京記

形勝不如閩內貞觀四年詔發卒脩洛陽宮張玄素上

書曰昔漢高將都洛陽妻敬一言即日西駕豈不知地

惟王中貢賦所均但以形勝不如閩內也太宗顧謂房

玄齡曰洛陽土中朝貢道均朕故脩營意在便於百姓

今玄素上表實亦可代所有作役宜即停之唐舊

東都高宗嘗謂韋機曰西京朕東西二宅往來不恒卿

宜善思脩建始作上陽等宮西京記建東都詔曰朕聞踐

華固德百二稱乎建甄卜洛歸仁七百崇乎定鼎是以
膏腴於天府啓黃圖於渭濱襟沃壤於王城摘綠宇
 於河渚市朝之城麗皇州之九緯丹紫之原邈神臯之
 千里二京之盛其來自昔此都心茲宇宙通賦貢於四
 方交乎風雨均朝宗於萬國曲阜之規猶勤測圭之地
 戴華豈得宅帝之鄉獨稱都於四塞里王之邑匪建國
 於三川宜改洛陽宮為東都初學記
 帝宅判官常損曰東都帝宅侍中何不守之舊唐始乎周
 卜今自隋革進十八里作唐東宅籠故地之銅駝抱舊
 里之王雞季東都賦雄都定鼎地勢據萬國尊帝宅夾清
 洛丹霞捧朝暾常應物望洛詩

洛賦尋歷代之規兆仍險塞之自然被崑崙之洪流據
 伊洛之雙川挾成臯之崑阻扶二嶺之崇山砥柱回波
 綴於後三塗太室結於前鎮以高高喬岳峻極於天穀傳
 南都於顯樂都既麗且康陪京之南居漢之陽割周楚
 之豐壤跨荆豫而為疆閔閔其西桐栢揭其東流滄浪
 而為隍廓方城以為墉湯谷涌其後濟水蕩其西推瀨
 引湍三方是通張衡賦
 蜀都蜀都之地古曰梁州上稽乾度則井絡儲精下按
 地紀則宮奠位東有巴賓綿亘百濮銅梁金堂火井
 龍湫揚雄賦夫蜀都者蓋兆基於上世開國於中古廓靈
 闕而為門包王壘而為宇帶二江之雙流抗峨眉之重

阻水陸所湊兼六合而交會焉豐蔚所盛茂八區而養

藹焉

左思賦

吳都張紘言於孫權曰秣陵楚武王所置名為金陵地勢岡阜連石頭訪故老云昔秦始皇東巡會稽經此縣望氣者云金陵地形有王者都邑之氣故掘斷連岡改名秣陵今處所具存地有其氣天之所命宜為都邑權善議未能從也後劉備之末宿於秣陵周觀地形亦勸權都之權曰智者意同遂都焉

江表傳

龍盤虎踞劉備魯使諸葛亮至京因觀秣陵山阜乃嘆曰鍾山龍盤石頭虎踞帝王之宅也

吳錄

王導曰建康古之金陵舊為帝里又孫仲謀劉玄德俱言王者之宅

晉傳

四面東以赤山為成阜南以長淮為伊洛北以鐘山為

曲阜西以大江為黃河

藝文

建業水孫皓以建業宮不利謀移都從步闡表徙武昌揚上百姓汧沅供給以為患苦陸凱上疏曰武昌土地實危險而壅礙非王都安國養民之處船泊則沈漂陵居則峻危且童謠言寧飲建業水不食武昌魚寧還建業死不止武昌居是明天意知民所苦矣皓還都建業

志紀傳

魏都魏土者畢昴之所應虞夏之餘人先王之桑梓列聖之遺塵考之四隈則八埏之中測之寒暑則霜露所鈞賦

左思賦

文帝太和十八年卜遷都鄴登銅雀臺魏御史

大夫崔吉等曰鄴城平原千里運漕四通有兩門史起
 舊迹可以饒富在德不在儉請都之孝文曰君知其一
 未知其二鄴城非長久之地石虎傾於前慕容滅於後
 國富主奢暴成速敗且兩有枉人山東有列人縣北有
 栢人城君子不飲盜泉惡其名也遂止乃都洛陽後魏書
 中都唐玄宗開元九年五月置中都改蒲州為河中府
 時揚州功曹參軍韓翬上疏曰建國都乃長久之大業
 也若兩都舊制分官衆多費耗用度尚以為損豈况更
 建中都乎夫河東者國之股肱郡也勁銳強兵盡出於
 是其地隘狹今又置都使十萬之戶將安投乎且陋東
 都而幸西都自西都而造中都取樂一君之欲以遺萬

人之患務在都國之多不恤危亡之變悅在遊幸之麗
 不顧兆庶之困非所以深根固蒂不拔之長冊矣昔漢
 帝感鍾離之言息事德陽之殿趙主採續咸之諫止造
 鄴都之宮臣願詔罷中都則福履無疆天下幸甚至大
 月三日詔停通典一百七十九注

北都十一年并州置北都詔曰我國家龍躍晉水鳳翔
 太原猶成湯之居亳有周之興岐昔堯理唐郊式建丹
 陵之地漢居洛邑更表南陽之都今王業正興宮觀猶
 在列於編郡情所未安其并州宜置北都改州為太原

府冊

汴都汴州水陸所湊邑居龐雜號為難理舊唐李汴都

日月所會天地之中禹畫為豫周封鄭地背觴臨而上
 直實沉分以為次惟蓬澤之固境昔合縻之所至芒碭
 渙渦截其面金隄王渠累其脊富夏濰沮繞其脇壘丘
 訾婁來其腴蜀險漢空荆惑閩鄙惟此中峙不首不尾
 利過百二嶮踰四塞鄙秦人之踐華陋荆州之却月周邦
 賦汴州水陸要衝山河形勝乃萬度千箱之地是四通
 八達之郊晉天福三年詔東京華夷湊湊水陸會通同顯德元年詔釐
 轂之下謂之浩穰萬國駿奔四方繁會三年詔
 燕都蘇秦說燕文侯曰燕東有朝鮮遼更北有林胡樓
 煩西有雲中九原南有噤沱易水南有碣石鴈門之饒
 北有棗棗之利此所謂天府者也史記燕薊南通齊趙勃

碣之間一都會也前地理志因內海以為池即瓊島而為圍

近則東有潞河之饒西有香山之阜南有柳林之區北

有居庸之口遠則易河潭水帶其前龍門孤嶺屏其後

雷時鴨綠浮其左五臺恒山阻其右黃文仲大都賦

壽春周馥成都王穎以為河南尹馥觀洛陽孤危乃與

祖納華譚等建策迎天子遷都壽春日殷人有屢遷之

事周王有岐山之徙方今河朔蕭條嶺函沮澁宛都多

敗江虞多虞惟淮揚之地北沮塗山南抗靈嶽名川四

帶重險之固是以楚人東遷遂宅壽春徐邳東海亦

足成禦且漕運四通無患空乏宜相土遷宅以享永祚

晉書彼壽陽者南引荆汝之利東連三吳之富北接梁宋

平塗不過七日西援陳許水陸不出千里外有江湖之阻內保淮肥之固龍泉之陂良疇萬頃舒六之貢利盡

蠻越金石皮革之具萃焉苞木箭竹之族生焉山湖藪澤之隈水旱之所不害土產草滋之實荒年之所取給

此則係乎地利者也

伏滔正淮論

天心遷徙隋文帝嫌舊城制度進小宮內多鬼妖夜與高頰蘇威定議遷都庾季才且而奏曰仰觀玄象俯察圖記龜兆允襲必有遷都且漢營此城經今將八百歲水皆鹹鹵不甚宜人願協天人之心為遷徙之計帝愕然謂頰等曰是何神也朕自今以後信有天道矣本開皇二年移入新邑在漢故城之東南萬年縣界南直終

南山子午谷北枕龍首原今朝堂即舊楊興村村門大

樹今見在

兩京記

襄鄧乾寧初朱朴上書議遷都曰古之王者不常厥居皆觀天地興衰隨時制事閔中隋家所都我實因之廣明巨盜陷覆京闕高祖太宗之制蕩然矣夫襄鄧乃形勝之地沃衍之墟自古中興之君去已衰之衰就未王而王今南陽光武雖起而未王也江南土薄水淺人心囂浮輕巧不可以都河北上厚水深人心彊愎狠戾不可以都惟襄鄧實惟中原人心質良去秦咫尺而有上洛為之限未無夷狄侵軼之虞此建都之極選也唐書湯思退以金人議和欲棄唐鄧海泗手詔謂唐鄧非險要

可置度外虞允文奏議鄧為襄漢之藩籬南陽又為鄧州之藩籬古形勝之國也

大勢議者曰洛陽四戰之地既將不可蒲坂虞舜舊國表裏山河江陵亦嘗設都控壓吳蜀遠導避翟寧不堪

居荅曰蒲坂土壻人貧困竭甚於洛邑江陵本非要害梁主數歲國亡夫臨制萬國尤借大勢秦川是天下之

上腴關中為海內之雄地若居之則勢大而威遠捨之則勢小而威近恐人心因斯而搖矣非止於危亂者哉

通典一百七十四

京兆京兆絕高曰京京大也十億曰兆欲令帝都殷盈也左輔右弼蕃翊承風也張掖始開垂張臂掖也漢官儀

絕高曰京十億曰兆人衆所聚也

登瀛秘錄注

輦轂

王鳳疏云臣當靡骨輦轂下

前元后傳

至止之日馳心

輦轂

曹植責躬詩表

谷未疏曰薛宣為御史中丞執憲轂下

漢書

轂下喻在輦轂之下京城之中也

胡廣漢官解故注

神臯載穆

轂下以清

任彦升竟陵王狀

自我遠京輦四載迄于斯懷潘安仁詩

佳麗壯哉帝王居住麗殊百城

曹植贈王粲詩

兩京愧佳麗三

都豈能似

謝靈運會吟行

江南佳麗地金陵帝王州謝玄暉詩故吹曲地

近華陽金壇之陵故云金陵

建康錄

六代帝王國三吳佳

麗城謂金陵也

李白詩

皇州升高臨四闕表裏望皇州

鮑明遠詩

宛洛佳遊春色

蒲皇州

謝玄暉

皇邑清晨發皇邑日夕過首陽曹子建贈白祗役出皇

邑相期憩甌越謝靈運山

京華京華游俠窟山林隱遁棲郭璞詩昔余游京華未嘗

廢丘壑謝靈運務協華京想詎存空谷期上火燎神州洪

流華棧劉琨

京洛名都多妖女京洛出少年子建名都篇京洛多風塵素

衣化為緇陸機誰能久京洛緇塵染素衣謝玄暉京洛多妖

麗玉顏作瓊陸機

京室京室密清罔有不遑東京賦引領望京室南路在伐

柯潘安引顧見京室宮雉正相望謝玄暉

京縣灞涘望長安河陽視京縣玄暉太微凝帝宇瑤光正

神縣江淹雜體

上游項羽陽尊懷王為義帝曰古之王者地方千里必

居上游徙之長沙都柳前傳

居中國王者居中國何順天地之和而同四方之統也

譙周法訓

名都燕之涿薊趙之邯鄲魏之溫軹韓之滎陽齊之臨

淄楚之宛丘鄭之陽翟一周之三川富冠海內皆為天

下名都居五諸侯之衢跨街衝之路也鹽鐵通自

居中欲近四旁莫如中央故王者必居天下之中禮也

荀大畧

奠枕昔在姬公用於周而四海皇皇奠枕于京揚冢見

根本京師者諸夏之根本

詩民勞

京師以諸夏為障蔽

左襄

年京師諸夏之本也將以觀治而豪猾踰檢

劉賈

左襄

四年魏絳諫晉侯曰諸華必叛注諸華中國詩正義曰

猶諸夏也京師者諸侯之父母也

詩汚水傳

王化之始杜預為河南尹以京師王化之始自近及遠

凡所施論務崇大体

晉書

百官之府文帝詔京師百官之府四海歸向

隋紀

衣冠所聚張九齡云京師衣冠所聚身名所出從容附

會不勤而成是大利在于內而不在于外也

本傳

朝宗玄宗時京城穀貴裴耀卿曰國家帝業本在京師

萬國朝宗百代不易之所唐傳國家大本在京師秦地狹

水旱易匱

新唐

天下本李晟云長安宗廟所在為天下本若皆執羈勒

誰復京師

舊唐

京師天下之本

新書

寰內寰內諸侯尹更始曰天子以千里為寰

穀梁

古三都堯治平陽舜治蒲坂禹治安邑三都相去各二

百餘里俱在冀州

春秋疏

冀州者天下之中州自唐虞及

夏殷皆都焉是天子之常居鄒衍著書云九州之內名

曰赤縣赤縣之畿從冀州而起

穀梁疏

三河昔唐人都河東殷人都河內周人都河南夫三河

在天地之中若鼎足三者所更居也建國各數百千歲

史贊

周在中樞三河之分風雨所起四險之國

博物志

三川張儀曰爭名者於朝爭利者於市今三川周室天下之朝市也秦策帝昭曰有河洛伊曰三川今注

漢五都五都之貨殖西都賦王莽於長安及五都立五均

官更名長安東西市令及洛陽邯鄲臨淄宛成都市長

皆為五均司市稱師東市稱京西市稱畿洛陽稱中餘

四都各用東西南北為稱食貨志

魏五都文帝黃初二年正月改長安譙許昌鄴洛陽為

五都立石表西界宜陽北循太行東北界陽平南循魯

陽東界鄆為中都之地魏志魏國漢祚復都洛陽以譙

為先人本國許昌為漢之所居長安為西京之遺迹鄴

為王業之本基故號五都水經注

唐五都肅宗寶應元年詔曰五都之號其來自久宜以

京兆為上都河南為東都鳳翔為西都江陵為南都太

原為北都志

州

州疇也各疇其上而生也說文州注也郡國所注仰也

釋州之言殊也合同類異其界也春秋說周禮五黨為

州州疇也州有長使之周相足也風俗通

神州地中央曰崑崙其東南地方五千里名曰神州中

有五岳地圖帝王居之括地象

九州黃帝受命風后受圖割地布九州置十二圖周公成

錄自神農已上有大九州柱州迎州神州之等至黃帝

以來德不及遠惟於神州之內分爲九州周禮職方疏顓帝

帝嚳建萬國而制九州帝王世紀堯遭洪水民居水中高土

故曰九州文

州域河漢之間爲豫周也兩河之間爲冀晉也河濟之

間充衛也東方爲青齊也泗上爲徐魯也東南爲揚越

也南方爲荆楚也西方爲雍秦也北方爲幽燕也呂覽

兩河間曰冀州河南曰豫州河西曰雒州漢南曰荊州

江南曰揚州濟河間曰兗州濟東曰徐州燕曰幽州齊

曰營州爾雅

星王北斗七星王九州春秋文耀鉤五星流爲兗鉤鈴星別

爲豫昂畢散爲冀箕星散爲幽營室流爲并參伐流爲

益虛危流爲青天氏流爲徐軫星散爲荆牽牛流爲揚

元命包

繫台摘輔象曰兗豫屬上台九州繫於三台荆揚屬下級上之

一台名有上下梁雍屬中上中台冀州屬錯中台之上青州屬

下上下台徐州屬下下下台

異氣九州殊題水泉剛柔各異青徐角羽集寬舒遲人

聲緩其泉鹹以酸荆揚角徵會氣漂輕人聲急其泉酸

以苦梁州商徵接剛勇漂人聲騫其泉苦以辛兗豫宮

徵合平靜有慮人聲端其泉甘以苦雍冀合商羽端馱

烈人聲捷其泉辛以鹹河圖

舜十二州馬融曰禹平水土置九州舜以冀州之北廣

大分置并州燕齊遼遠分燕置幽州分齊為營州於是

為十二州史記注

禹九州堯遭洪水分為十二州今虞書是也及禹平水

土還為九州今禹貢是也帝子世紀禹登王位還置九州正義

魯班石為禹九州圖今在格城石室山東北岩中述異記

九牧王孫滿曰昔夏之方有德也貢金九牧左宣

殷九州商頌帝命式于九圖五見地門

周九州保章氏以星土辨九州之地所封封域皆有分

星以觀妖祥注星土星所主土也已見星門

周敬王魯哀公之時吳為越所滅其後六十九年至

威烈王始命韓魏趙為諸侯後十七年安王之時三

國共滅晉而分其地後五十六年顯王之時而越為

楚所滅又按所列諸國分野具於班固漢書及皇甫

謐帝王世紀下分區域上配星躔固合同時不應前

後當吳之未亡天下列國尚有數十其時韓魏趙三

卿又未為諸侯晉國猶在豈分其土地自吳滅至分

晉凡八十六年時既不同若為分配又按諸國地分

畧考所在封疆辯詳隸屬甚為乖互不審二子依據

漢書漢書又云今之蒼梧鬱林合浦交趾九真南海

日南皆越分野夏少康庶子封于會稽後二十餘代

至勾踐滅吳稱伯後六代而亡後十代至闕君推漢

復立為越王都夷甌則今永嘉郡也是時秦南海尉

趙他亦稱王五嶺之南皆他所有也又按越之本封在於會稽至勾踐強盛有江淮之地天子致胙號稱霸王正當戰國之時凡得百四十二歲後至秦漢方有閩搖雖虛引其歷代興亡而地分星躔皆不相涉及趙佗奄有時代全乖未知取舍何所准的凡為著述誠要詳審者也

通典

王者規摹夏書禹貢周氏職方中畫九州外薄四海析其物土制其疆域此蓋王者之規摹也

後魏地志

增益禹貢有青徐梁而無并幽營爾雅有徐幽營而無青梁并職方有青幽并而無徐梁營三代不同故也

釋文

漢興武帝開拓三方立十三州通并梁之數而增交益

馬物理

州十二師古者慶師八家而為隣三鄰而為朋三朋而為里五里而為邑十邑而為都十都而為師州十有二師馬家不盈三口者不朋由命士以上不朋

各語大傳

郡

郡郡群也人所群聚也秦改諸侯置郡縣隨其所在

川土形而立其名

釋名

立郡秦始皇廢五等之爵立郡縣之官以公國為大以侯伯為小大郡曰守小郡曰都尉

史記

周制周制天子方千里分為百縣縣有四郡故左氏傳曰上大夫受縣下大夫受郡

風俗通

至秦始皇置三十六郡

以監縣矣邑君聲

說文

取名郡之言君也改公侯之封而言君者至尊也郡守

專權君臣之禮彌崇今郡字君在其左邑在其右君為

元首邑以載民故取名於君謂之郡

黃義仲計三州記

三十六郡秦用李斯議分天下為三十六郡凡郡或以

列國陳魯齊吳是也或以舊邑長沙丹陽是也或以山

陵太山山陽是也或以川原西河河東是也或以所出

金城城下得金酒泉泉味如酒豫章樟樹生庭鴈門鴈

之所育是也或以號令禹合諸侯大計東冶之山會計

國名會稽是也

漢官儀

敦煌酒泉其水甘若酒味故也張

掖言張國臂掖以威羗狄

應劭地理風俗記

圈稱曰昔天子建

國名都或以合名或以山林故豫章以樹氏都酸棗以

棘名邦

水經注

郡縣城渾出周至楚新城說其令曰王何不以新城為

主郡也邊邑甚利之

楚策

甘茂曰宜陽大縣也上黨南陽

積之久矣名為縣其實郡也

秦策

春秋時郡屬於縣趙簡

子所謂上大夫受縣下大夫受郡是也戰國時縣屬於

郡所謂上郡十五縣者是也

大事記

按此則郡縣之設自春秋已然矣柳子厚封建論乃

云秦有天下裂都會而為之郡邑廢侯衛而為之守

宰據天下之雄圖都六合之上游攝制四海運於掌

握之內此其所以為得也不數載而天下大壞其有

由矣左傳楚子入陳因陳縣策中楚有新城令趙
有上黨守靳黈且下有四太守字是郡縣守宰俱不
始于秦也司馬索隱云漢景時始稱太守然賈誼傳
河南守吳公又先于景帝矣

縣

縣周禮百里曰同所以獎王室協風俗總名為縣縣玄
也首也從系倒首與縣易偏矣言當玄靜徭役也風俗通

縣懸也懸於郡矣釋名

取名縣絃也絃以貞直言下體之居隣民之位不輕其
誓施繩用法不曲如絃絃聲近縣故以取名今縣字在
半也黃義仲十州記

子男縣萬戶以上為令則子國也千戶為長男國也今
人呼縣為百里子男本方百里也故言今之百里古之

諸侯黃恭十州記

縣有四郡郊甸方六百里因西土為方千里分以百縣
縣有四郡郡有四鄙鄙不過百室以便野事周書

脩武武王伐紂到于邢丘乃脩武勒兵於甯更名邢丘
曰懷甯曰脩武行克紂于牧之野韓詩外傳

武丘武王祭南嶽迴至汝水西野宿于武丘夜夢云築
城在此兼祭天地可王七百年遂城于武丘北因名武
陰在沈丘縣城塚記

荷氏荷氏縣荷頓所居之地荷頓魯窮士也問術於陶

朱公教之蓄五符遂富漢因之名縣郡國志

九門戰國策九門縣本為九室而居趙武靈王改之為九門縣

新豐京兆新豐秦曰驪邑高祖七年置漢志太上皇不樂

關中思慕鄉里高祖徙豐沛酤酒煮餅商人立為新豐

三輔舊事高帝既作新豐并移舊社衢巷棟宇物色惟舊士

女老幼相攜路首各知其室放犬羊鷄鴨於通塗亦競

識其家其匠人胡寬所營也移者皆悅其似而德之京西

聞喜武帝元鼎六年將幸緱氏至左邑桐鄉聞南越破

呂為聞喜縣漢紀

獲嘉七年春至汲新中鄉得呂嘉首呂為獲嘉縣上

懷德太興三年七月丁亥詔先公武王先考恭王臨君

琅邪四十餘年惠澤加百姓遺愛結人情朕創基江表

兆庶宅心繼負子來琅邪國人近有千戶在此今立為

懷德縣統丹陽郡優復之科一依漢氏沛及南頓故事

晉元紀

昭應唐玄宗幸溫泉見白鹿升天改會昌為昭應縣會昌

頓解會昌新豐也

平陸天寶中上以三河道險東漕運艱難乃旁北山鑿

石為月河以避湍急傳信陝州刺史李齊物開砥柱之

險以通流運於石中得古鐵犁鐮有平陸字因改河北

縣為平陸縣

唐舊

咸陽咸陽縣本秦舊縣也山南曰陽水北曰陽在北山之南渭水之北故曰咸陽

元和郡縣圖志

錢塘秦始皇三十七年東游丹陽至錢塘臨浙江

史記

塘屬會稽郡西部都尉治防海大塘在縣東一里符

郡議曹華信家議立此塘以防海水始開幕有能致一

斛土者即與錢一千旬月之間來者雲集塘未成而不

復取於是載土石者皆棄而去塘以之成故改名錢塘

焉錢塘縣記錢塘在餘杭初為潮水所損州人華信云九域志

希通錄云錢塘史漢但作唐字今人以唐為塘非也

其失本于世說注云晉人沈姓而令其縣者詭令致

土云不知秦漢已有此名豈至晉而然乎

世說雅量篇云褚裒送人投錢唐亭任爾時吳興沈

充為縣令遇之云注云錢塘縣記云縣近海為潮漂

沒縣諸豪姓歛錢顧人輦土為塘因以為名沈令未

詳今謂以唐為塘其失本于世說注且云晉人沈姓

而令其縣者為之句義俱差不有誤于後學耶

陳留陳留郡鄭邑後為陳所併故曰陳留瓚曰宋亦有

留彭城留是也留屬陳故稱陳留也

漢志

浚儀浚儀縣北有浚水像而儀之故曰浚儀縣有倉頡

師曠城上有列仙之吹臺北有牧澤中出蘭蒲土多雋

髦今帶牧澤方一十五里俗謂之蒲關澤

陳留風俗傳

尉氏圖稱云尉氏鄭國之東鄙弊獄官名也鄭大夫尉氏之邑故藥盈曰盈將歸死于尉氏也經水

洛陽周公相成王以鄴鎬偏在西方職貢不均乃使邵公卜居洛水之陽以即中土帝王世紀八方之廣周洛為中

於是遂築新邑營定九鼎以為王之東都援神契周在中樞西阻嶠谷東望荆山南面少室北有太嶽三河之分

風雨所起四險之國博物志互見都

江都廣陵之江都縣城臨江應劭地里風俗記曰縣為一都之會故曰江都也經水

馮翊馮輔翊蕃故以為名應劭漢官解詁

盤屋山曲曰盤水曲曰屋故以名縣經圖

梓潼東倚梓林西枕潼水故以名縣

南陽南陽劉善曰在中國之南而居陽地故以為名經水

青田青田縣有草葉似竹可染碧名為竹青此地所豈故名青田永嘉記

古田屬福州開元以前嘗為土豪所據至二十八年始建為縣有謝能者十餘戶言因古田畝墾闢而居故曰

古田又曰青田者其地有青田鄉父老言田中嘗得青玉經圖

兩當鳳州兩當縣古老相傳嘉陵江與牛胆水相會於

縣界故縣界名兩當又云東京西蜀至此皆三十程故名兩當上兩當縣水出陳倉縣之大散嶺西南流入故

道川謂之故道水縣因水取名或云縣西有兩山相當故名之也經水

陽曲陽曲屬太原應劭曰黃河千里一曲當其陽故曰

陽曲漢書

九原正平縣有九原一名九京即趙簡子觀處十道志

封丘封丘衛地故燕之延鄉也高祖與項羽戰於延鄉

有翟母免其難故以延鄉封翟母焉國都記

晉江泉州屬邑漢平粵之後其地既虛而晉之衣冠避

地者多沿江以居故以名之

盧奴安喜縣即古盧奴縣也有黑水故池深而不流俗

謂黑水為盧不流為奴圖經

壯哉高帝北征南過曲逆上其城望室屋甚大曰壯哉

縣吾行天下獨見雒陽與是耳更封陳平為曲逆侯漢書

章帝北巡北岳以曲逆名不善改為蒲陰後漢

鄙小韓安國傳即以媯鄙小縣師古曰鄙小縣言在外

鄙之小縣也前漢

六等大唐縣有赤畿望緊上中下六等之差京都所治

為赤縣京之旁邑為畿縣其餘則以戶口多寡資地美

惡為差郡國志開元中以近畿之州為四輔同華岐蒲其

餘為六雄十望十緊及上中下之差六雄鄭陝汴絳懷

魏十望宋毫涓許汝晉洛號衛相初有十緊州後入緊

者甚多

麗水麗水縣有惡道惡道有突星瀨謝靈運與弟書曰
聞惡道溪中九十九里有五十九灘永嘉記曰王右軍
遊惡道歎其奇絕遂書突星灘於石圖經
松陽松陽縣東南臨大溪有松陽樹大八十一圍腹中
空可容三十人坐故取此為名王右軍嘗往看之吳地記
漢晉以後帝王之割據無常州郡之更置不一其載
在本志者固可考而知也藝文畧具九州初學止叙
十道嗣後類集各依本朝或語焉而不詳或棼紜而
無統誠亦有難于述志者今按舊籍少存一二以備
覽云

城

城以盛民也墉城垣也說文城盛也盛受國都也城上
垣謂之睥睨言於孔中睥睨非常也亦曰睥言裨助城
之高也亦曰女牆言其卑小北之於城若女子之於丈
夫也釋名墉城上女垣說文雉堞也以白堊之故曰粉堞增韻
雉鄭叔段居京謂之京城大叔祭仲曰都城過百雉國
之害也左隱元家不藏甲邑無百雉之城雉者何五板而
堵五堵而雉百雉而城公羊定天子之城千雉高七雉
公侯百雉高五雉子男五十雉高王雉五經異義
天子之城高九仞公侯七仞伯五仞子男三仞五經異義
崇城天子曰崇城言崇高也諸侯曰干城言不敢自專
禦於天子也白虎通

周城天子周城諸侯軒城軒城者缺南面以受過也春秋

文說

城始堯聽四岳之言用鮒脩水鮒曰帝遭天灾厥黎不

康乃築城以衛君造郭以守民此城郭之始也吳越春秋鮒

為三仞之城淮南子處士東里槐責禹亂天下事禹退作

三城強者攻弱者守敵者戰城郭蓋禹始也博物志

堯城故堯城在濮州鄆城縣東北十五里竹書云昔堯

末年德衰為舜所囚也又有偃朱故城在縣西北十五

里竹書云舜囚堯復偃丹朱使不得與父相見也括地志元

和志云十道志已錄今不欲去之小城陽城在陽城西南半里許俗云

囚堯城續述王僧辨上元帝表云閭闔受白登之辱象

魏致堯城之疑梁書

鶴城長垣縣有鶴城昔夏累養鶴于此遂號鶴城城塚記

保民夏成中丘穀梁曰城為保民為之也民衆城小則

益城益城無極凡城之志皆譏也注夫保民以德不以

城也如民衆而城小輒益城是無極也隱七

亟城梁伯好土功亟城而弗處民罷而弗堪則曰某寇

將至乃溝公宮曰秦將襲我民懼而潰秦遂取梁僖十

城惡楚子重自陳伐宮圍渠丘渠丘城惡衆潰奔宮宮

城亦惡宮潰楚遂入鄆宮無備故也君子曰恃陋而不

備罪之大者也備豫不虞善之大者也言恃其陋而不

脩城郭浹辰之間而楚克其三都無備也夫左成九

飾城古者大國過小邑必飾城而請罪禮也穀襄二

城成周王使富辛與石張如晉請城成周晉士彌牟營

成周計丈數揣高卑度厚薄仞溝洫物土方議遠邇量

事期計徒庸慮材用書餼糧以令役於諸侯屬役賦丈

書以授帥左昭三孟懿子會城成周宋仲幾不受功士

伯怒乃執仲幾以歸城三旬而畢宣元

城叛中行穆子圍鼓鼓人有以城叛者不許軍吏曰師

徒不勤可得城奚故不受曰有以吾城叛者吾所甚惡

也人以城來我獨奚好焉賞所以甚惡是失賞也說苑

馬城昔秦人築城於武周塞內以備胡將成而崩者數

矣有馬馳走周旋反覆父老異之因依馬跡以築城墉

乃不崩遂以名焉搜神記

城沂楚令尹為艾獵城沂使封人慮事以授司徒量功

命日分財用平板榦稱畚築程土物議遠邇畧基趾具

餼糧度有司事三旬而成不愆于素宣十一

羊城廣州廳事梁上畫五羊像又作五穀囊隨像懸之

云昔高固為楚相五羊啣穀萃於楚庭故圖其像為瑞

六國時廣州屬楚廣州記固為楚相有五仙人騎五色羊

各持穀穗一莖六出以遺州人騰空而去今呼為五羊

其城周十里初尉佗築之步陟脩之既而為黃巢所焚

寰宇記吳脩為廣州刺史未至州有五仙人騎五色羊負

五穀而來令州庭上圖之為瑞故廣南謂之五羊城南部

龜城初張儀築成都城城屢壞不能立忽有大龜周旋行走巫言依龜行處築之城乃得立所掘成慶大池龜乃復入于中龜每出則州境有賊刺史或病寰宇記益州城張儀所築錦城在州南蜀時故宫也其處號錦里益州記孟後王泉於城都城上種芙蓉花開爛熳如錦因以為名一曰以江山明媚錯雜如錦也一曰以蜀有錦官如銅官鹽官之類故名亦曰錦里

代城盧植去代城始築版幹一夜亡去西南五十里大澤中營城自護結葦為九門於是就以為治城圓匝而不方周四十七里開九門更名其故城曰東城經傳物志雲中城趙侯自五源河曲築長城東至陰山又於河西

造大城二箱崩不就乃改卜陰山河曲而禱焉晝見群鵠遊于雲中徘徊經日見大光在其下武侯曰此為我乎乃即于其處築城今雲中城是也虞氏記

新城韓氏城新城期十五日而成段喬為司空有一縣後二日段喬執其吏而囚之囚者之子走告封人子高曰惟先生能活臣父之死願委之先生封人子高曰諾乃見段喬自扶而上城封人子高左右望曰美哉城乎一大功矣子必有厚賞矣自古及今功若此其大也而能無有罪戮者未賞有也封人子高出段喬使人夜解其吏之束縛也而出之呂氏春秋開春

長城秦始皇使蒙恬北築長城西屬流沙東至遼水以

捍胡覽史御恬築長城因地險用制險塞起臨洮至遼東

延康萬餘里恬將吞藥自殺嘆曰恬罪固當死矣起臨

洮屬之遼東城塹萬餘里此其中不能無絕地脉哉傳本

始皇使蒙恬築長城死者相屬民歌曰生男慎勿舉生

女哺用舖不見長城下戶骸相支柱陽泉物秦所築長

城土色皆紫漢塞亦然故稱紫塞者焉注古今

趙成侯六年中山築長城記史太山西北有長城綠河

徑太山千餘里至瑯瑯臺入海郡太山齊宣王乘山嶺

之上築長城東至海西至濟洲千餘里以備楚齊問

王築防以為長城竹書齊之長城巨防足以為塞韓非

代秦昭王滅義渠築長城以備胡漢匈奴傳梁惠成王子史

二年龍賈帥師築長城于西邊竹書唐劉琨武指云朔

塞之上多古長城未知起自何代七國分爭國有長

城趙簡子起長城以備胡燕秦以築長城以限中外

則長城之作其來遠矣通典二百

據此諸書則長城之築固非止于始皇也而邊防之

利萬世且永賴焉乃儒書之劇秦者率以是為言嗚

呼惡居下流始皇固以之矣功過相準耳學者類習

非哉

赤色長安城中地皆黑壤今城赤何也且堅如石如金

父老所傳云盡鑿龍首山中土以為城及諸城關亦然

三秦

記

斗城長安故城漢之舊都高帝七年方脩長安宮城自
 櫟陽徙居此城本秦離宮也初置長安城本狹小至惠
 帝更築之周迴六十五里城南為南斗形北為北斗形
 至今人呼漢舊京為斗城三輔黃圖長安城面三門四面十
 二門皆通達九達以相經緯衢路平正可並列車軌十
 門二三途洞闕隱以金椎周以林木左右出入為往來之
 徑行者升降有上下之別三輔城郭之制則旁通三門
 參塗夷庭方軌十二街衢相經西京賦披三條之廣路立
 十二之通門西都賦
 廣陵廣陵城吳王渙所築王逸廣陵郡圖經城周十四里半後志
 注後秦法俟周令劃崇墉剗濬洫板築雉堞之殷井幹

烽櫓之勤格高五嶽表廣三墳崒若斷岸轟似長雲製
 磁石以禦衝糊頽壤以飛文觀基扃之固護將萬祀而
 一君燕城賦

睢陽梁孝王築睢陽城方十三里鼓倡節杵而後下和
 之者稱睢陽曲今踵以為故今之樂家睢陽曲是其遺

音晉太康地記

金城金城郡漢昭元始六年所置應劭云築城初得金
 故曰金城凡城皆得金言其固也故墨子稱金城湯池
秦州記安陽有金城城皆如金色堅勁不崩摧先儒云上
 古時天雨黃金也述異記
 玄菟昭帝元鳳六年春正月募郡國徒築遼東玄菟城

疑城魏文帝之在廣陵吳人木駭乃臨江為疑城自石頭城至於江乘以本為植衣以葦席加彩飾焉一夕而成

晉紀

石頭城吳時悉土塢義熙初始加磚累甃因山以為城因江以為池地形險固尤有奇勢亦謂之石首城也

丹陽記

白下齊武帝欲脩白下城難于動役劉係宗啓謫役在東者上從之後武帝講武白下履行其城曰係宗為國家得此一城南史白下城本江乘之白石壘武帝以其地帶江負山移琅邪居之輿地志武德九年更金陵曰白下

唐地理志

夫人晉朱序鎮襄陽符堅遣兵攻之序母自登城履行謂西北角當先受弊遂領百餘婢并城中女丁於其角斜築城二十餘丈賊攻西北角果潰衆守新城賊遂引退襄陽人謂此城為夫人城晉書

遷城吳興郡城秦時為下菰城又為項王故城晉郭璞欲移郡于東遷璞女亦善於地里啓璞無徒因舊址損益之可以末無殘破之慮璞從之初璞欲移城于東遷每立標輒為飛鳥啣去會其女又啓遂定於今處女號

遷城小娘子從璞廟祀宋知州鄭建撰

江陵江陵城地東南傾故緣以金隄自靈溪始桓温令

天中記

卷三

三

陳遵造遵善於防攻使人打鼓遠聽之知地勢高下依傍創築畧無差矣城西有樓霞樓俯臨通隍吐納江流

水經注

統萬赫連勃勃以叱于阿利領將作大匠營統萬城阿利乃蒸土築城以錐刺之錐入一寸即殺作者而并築之不入即殺行錐者勃勃以為忠

晉載記

柳城魏太武伐蠕蠕軍中有告失驢耳者楚之曰必覘賊截之為驗耳賊將至矣乃伐柳為城灌水令凍城立而賊至不可攻逼乃走散

北史

五利魏大和八年中書監高閭請于六鎮築長城云長城有五利罷遊防之苦一也北部放牧無抄掠之患二

也登城觀敵以逸待勞三也省境防之憂息無時之

四也歲常遊運永得不匱五也帝優詔答之

本傳

城精梁武帝攻郢城夜郢城有數百毛人踰堞且泣因投黃鵠磯蓋城之精也及旦城降

南史紀

六壁六壁府魏太平真君五年討胡於六壁即此城俗以城有六面因以為名馬

郡國志

玉壁絳州稷山縣後周置勳州有玉壁城後周王思政所築為重鎮齊神武再攻圍不克帝孝寬代思政鎮玉壁高歡攻之智力皆困

周書二傳

六合隋何稠為煬帝制行殿及六合城帝於遼左與賊相對夜中施之其城周迴八里城及女垣合高十仞上

布甲士立仗建旗四隅置闕面別一觀觀下三門暹明而畢高麗望見謂若神功本傳

受降景雲三年朔方總管張仁愿於河北築三受降城

絕虜南寇語六旬而三城就本傳呂溫銘曰俯視陰山仰

看昭回一夫登陴萬里洞開仁愿封韓公制曰橫却月

于天街劃長雲於地脉

奉天建中元年五月築奉天城四年十月上避難于秦

天初術士桑道茂奏請城奉天為王者之居至是方驗

唐書

江夏牛僧孺出為鄂州刺史江夏城風土散惡難立垣

墉每年加板築賦菁苑以覆之吏緣為奸蠹弊綿歲僧

孺至計苑苦板築之費歲十餘萬即賦之以墉以當百

築之價凡五年墉皆甃葺蠹弊永除舊唐

三城李德裕出為滑州節度使徙劔南西川築仗義城

以制大度青溪關之阻作禦侮城以控榮經犄角勢作

柔遠城以阨西山吐蕃新唐

大玄高駢徙劔南西川節度成都城歲壞駢易以墉甃

陴堞完新負城丘陵悉根平之以便農桑訖功筮之得

大畜駢曰畜者養也濟以剛健篤實輝光日新吉孰大

焉文宜去下存上因名大玄城上

獻圖王使陳章城衢州工畢以圖獻王視西門樟樹密

謂左右曰此樹不入城章終非我畜其後章果叛備史

青澗真宗時種世衡知延州築青澗城初苦無水鑿地百五十尺至石屑石得泉城成賜名青澗城

鬼工魏鑑侍郎知廣州子城一角忽頽一古埭有四大字云委於鬼工是魏字公感其字大築新之罷還未幾儂寇廣州外城一擊而圯獨子城堅民賴以生賊平以公有前知之備加諫議大夫再知五羊公以築城之功自論久不報作感懷詩內云螭頭賜對恩雖厚雉堞論功事已空文潞公採詩呈加龍圖閣學士尹應天府古亭人為長城宋文帝有疾義康矯詔收檀道濟付廷尉道濟引飲一斛脫幘投地曰乃壞汝萬里長城魏人聞之皆曰道濟已死吳子輩不復足憚後魏軍至瓜步文帝

登石頭城望甚有憂色嘆曰若道濟在豈至此南史

金城唐邕字道利晉陽人有治世才具齊文宣嘗登章佛寺望并州城曰此是何等城或曰此是金城湯池天府之國帝云我謂唐邕是金城此非金城也北齊書犬吠

不驚命曰金城常避危殆命曰不悔說賈誼云上設庶耻禮義以遇其臣故化成俗定父兄之臣誠死宗廟法度之臣誠死社稷輔翼之臣誠死君上守圉扞敵之臣誠死城郭封疆故曰聖人有金城者此物此志也注云言聖人厲此節行以御群下則人皆懷德戮力同心國家安固不可毀狀若金城也漢書建金城之萬雉呀周池

而成淵西都賦

石城神農之教曰有石城十仞湯池百步帶甲百萬而無粟弗能守也食貨志

亞字吳羅城作亞字形周敬王六年丁亥造其城南北

長十二里東西九里城中有大河三橫四直蘇州名標

十望地號六雄八門皆通水陸郡郭三百餘巷吳地記

却月沌陽縣至沔口水北有却月城西一里有馬騎城

周迴五里高一丈荆州記

太平朔方太平城後魏穆帝治也太極殿琉璃臺及鴟

尾悉以琉璃為之郡國志

千秋張掖郡竇融築千秋城萬歲城上

織錦梁山宮在好畤城皆文石名織錦城三秦記

益陽益陽城魯肅築也云登之望見長沙城邑人馬形

色宛然相去三百里故老云長沙益陽一時相望

李城秦圍邨鄆急傳舍吏子李談說平原君得救死七

三千人與赴秦軍秦兵遂罷李同戰趙封其父為李

侯平原傳徐廣曰河內成臯有李城正義曰懷州温縣本

李城也李同父所封昭明名士悅傾城詩經居李城北

來往宋家東元禎會真詩因遊李城北偶向宋家東

夏口江夏郡所治夏口城其西南角因磯為高墉枕流

上則迴眺山川下則激浪崎嶇是曰黃鵠磯荆州圖經

羅娑北方禿髮譯語謂吐蕃其王為贊普其國都羅娑

城重兵死惡病終以累世戰沒者為甲門臨陣奔北者

懸狐尾於首以表其性似狐之性唐會要

鷺子北燕人趙應良者為偽丞相高公堂後宮常從公

至鷺子城登重閣注鷺子城北虜留都于此海錄

泥犁泥犁城梁言寄條城又云閉城也文句云地獄此

方名梵稱泥犁秦言無有或言卑下或言墮落

郭或謂之郭郭者亦大也風俗通郭廓也廓落在城外也

說文內謂之城外謂之郭管子

鉄郭金城鉄郭上下同力寇不敢賊焦贛易林

表城夫城之有郭猶裏之有表骨之有皮表裏各異則

保障不完皮骨分離則一體不具王肅表

壕城下道曰壕壕朝也言都邑之內朝朝祖駕之處也

名稱

檣檣露也露上無覆屋也上洛陽城周公所制東西十

里南北十三里城上百步有一樓檣外有溝渠陸機洛陽記

隍隍城池也有冰曰池無水曰隍易曰城復于隍說文

宮

宮釋名曰宮穹也言屋見于垣上穹崇然也郭璞云宮

謂圍繞之記曰君為廬宮之是也爾雅云宮謂之室室

謂之宮詩云作于楚宮又曰入此室處是也風俗通曰

宮室一也秦漢以來尊者以為常號下乃避之也呂覽

慎大云武王克殷靖箕子之宮禮記曰由命士以上父

子皆異宮又曰儒有一畝之宮環堵之室又曰季武子

入宮不敢哭是士庶人皆有宮稱也

便生上古之人未知為宮室就陵而居處下潤傷民故

聖人作為宮室之法高足以避潤濕中足以禦風寒上

足以待霜雪墻高足以別男女故以便生不以為樂也

今之為宮室必厚歛百姓暴奪民財為曲直之室青黃

刻鏤之飾故國貧而人難訴也墨子

合宮黃皇有合宮以廣政堯開衢室聽於民管子欲觀黃

帝之行於合宮觀堯舜之行於總章尸子黃帝合室有虞

總期東京賦昔黃帝有合宮之聽堯有衢室之問舜有總

章之訪皆議之謂也文中子

作宮黃帝作宮室以避寒濕白虎通堯使禹作宮世本

貳宮堯見舜處於貳宮帝王世紀接禮貳宮考庸太室正長

水詩

撫宮堯垂貝殼於撫宮嚴助相

鑪宮天命湯於鑪宮有神來告曰夏德大亂往攻之予

必使汝大戡之墨子初學記云湯所受命之宮

長夜夏桀之時為長夜宮於深谷之中男女雜處三旬

不出聽政其後大風飄沙一夕填此宮谷博物志

傾宮紂造傾宮作瓊室瑤臺飾以美玉七年乃成其大

十里其高千丈其大宮百其小宮七十三處宮中九市

帝王世紀

蒿宮周時德澤洽和蒿茂大以為宮柱名為蒿宮也大戴

禮周德既隆草木茂盛高堪為宮室因名高室既有天下遂都于鎬竹書

呂覽云周明堂茅茨蒿柱土墍三等以示節儉正此事也注云茅可覆屋蒿非柱任雖云節儉實所未聞

誤

化人周穆王時西極之國有化人來謁王同游王執化人之祛騰而上者中天乃止暨及化人之宮化人之宮構以金銀絡以珠玉出雲雨之上王寶以為清都紫微

鈞天黃樂帝王之所居列子

楚宮公作楚宮穆叔曰大誓云民之所欲天必從之君欲楚也夫故作其宮若不復適楚必死是宮也六月辛

巳公薨于楚宮左襄三

銅鞮子產相鄭伯如晉盡壞其館之垣而納車馬馬士文伯讓之子產曰今銅鞮之宮數里而諸侯舍於隸人門不容車而不可踰越若獲薦弊脩垣而行趙文子曰是吾罪也上

虎祁石言於晉晉侯方築虎祁之宮叔向曰是宮也成

諸侯必叛君必有咎十年晉侯卒昭八

碣石騶衍如燕昭王擁慧先驅請列弟子之座而受業

築碣石宮身親徃師之作主運史記

春宵夫差築姑蘇臺立春宵宮造千石酒鍾洞冥記載

館娃闔閭城西硯石山上有館娃宮吳越春秋美女為

吳越春秋

吳越春秋

吳越春秋

吳越春秋

娃吳有館娃宮方幸平館娃之宮張女樂而娛群臣吳都

賦秀峯寺蓋吳館娃宮也蘇志

美人美人宮周五百九十步土城句踐所習教美女西

施鄭旦宮室也女出於寺羅山欲獻於吳自謂東墜僻

陋恐女樸鄙故近大道居越絕書

阿房阿房宮東西三里南北五百步庭中可受十萬人

車行酒騎行炙千人和置銅人十二於宮前輔

事阿房以木蘭為梁以磁石為門懷刃者止之黃磁石

門西門在阿房前悉以磁石為之故專其目令四夷朝

者有隱甲懷刃入門而脅之以示神故亦曰却胡門水經

注一名却胡臺恬地志製磁石以禦衝兼賦下可建五丈

旗史

未央蕭何治未央宮上見其壯麗甚怒謂何曰天下匈

匈勞苦數歲成敗未可知是何治宮室過度也何曰天

下方未定故可因以就宮室且夫天子以四海為家非

壯麗亡以重威且亡令後世有以加也上悅遂自櫟陽

徙都之漢書營未央宮因龍首山以制前殿至孝武以木

蘭為焚燎文杏為梁柱金鋪玉戶華榱璧璫雕楹玉碣

重軒鏤檻青瑣丹墀左鹹右平黃金為壁帶間以和氏

珍玉風至其聲玲瓏然也三輔黃圖未央宮周旋三十三里

街道十七里有臺三十二池十二土山四宮殿門八十

一掖門十四宮殿及臺皆踞龍首山上以作之殿基出

長安城上非築也關中覽秦制跨周法正紫微於未央

表曉闕於閭闔疏龍首以抗殿狀巍峩以岌業賦西京未

央者前限未到之辭故漢有未央宮古詩有樂未央詩

義未央一名紫微宮三秦

三雍武帝時河間獻王來朝肝獻雅樂對三雍宮本

建章太初元年栢梁殿災粵巫勇之曰粵俗有火災復

起屋必以大用勝服之於是作建章宮度為千門萬戶

前殿度高未央武紀栢梁既災越巫陳方建章是經

用厭火祥營宇之制事兼未央賦西京建章宮周圍數十

里殿東別起閣高二十五丈憑高以望遠三輔秦漢規

模廓馬泯毀唯建章鳳闕聳然獨存雖非象魏之制亦

一代之巨觀也繁欽建章序陛下以城中為小圖起建章

左鳳闕右神明號稱千門萬戶土木衣錦繡撞萬石之

鍾擊雷霆之鼓使民不奢侈難矣方朔

甘泉建元三年武帝因齊人少翁言作甘泉宮中為臺

室畫天地太乙諸鬼神而置祭具以致天神郊祀武帝

起超仙之臺於明庭宮北明庭者甘泉別名思趙使仔

起通靈臺於甘泉宮洞冥甘泉宮一曰雲陽宮一曰林

光宮本秦追在今池陽縣西甘泉山宮以山為名周匝

十餘里漢武建元中增廣之周十九里去長安三百里

望見長安城黃帝以來員丘祭天處關輔甘泉山天下

顯敞之處也前接大荆後臨北極左撫仁鄉右望素域

王褒井

井泉山名下有井泉水因以名之

文選冠以九

變陪以井泉乃有靈宮起乎其中秦漢之所極觀淵雲

之所頌歎賦西都公孫卿曰黃帝接萬靈明庭明庭者井

泉也志迴天門而鳳舉躡黃帝之明庭賦劉歆武帝以五

月避暑於此八月乃還元和郡縣志

五柞五柞宮漢之離宮也黃宮中有五柞樹皆連三抱

上枝蔭覆數十畝雜記

長楊長楊宮本秦舊宮漢脩飾之以備行幸宮中有垂

楊蔭數畝因以為名門曰射熊秦漢游獵之所黃司馬

相如嘗從武帝至長楊獵天子好自擊熊豕馳毘獸因

上疏諫本傳振師五柞習馬長楊楊雄集乎長楊之宮相

羊乎五柞之館西京賦建元三年徵行北至池陽西至黃

山南獵長楊東游宜春私置更衣從宜曲以南十二所

中休更衣投宿諸宮長楊五柞倍陽宣曲尤幸方朔師

古曰皆宮名倍陽即賁陽也

桂宮未央宮漸臺西有桂宮中有明光殿皆金玉珠璣

為簾箔綴明月珠金祀玉階晝夜光明三秦武帝為七

寶牀雜寶案寶屏風列寶帳設於桂宮時人謂之四寶

宮西京雜記桂宮在未央宮北周匝十餘里中有明光殿走

狗臺土山復道從宮中西上城西至建章宮神明臺蓬

萊山三輔故事輦路經營脩除飛閣自未央而連桂宮北弥

明光而亘長樂西都賦鉤陳之外閣道穹隆屬長樂與明

光

光徑北通于桂宮

西京賦

明光上起明光宮發燕趙美女三千人充之取年十五

以上二十已下滿三十者出嫁掖庭令總其籍時有死

出者隨補之凡諸宮美人可有七八千建章未央長樂

三宮皆輦道相屬懸棟飛閣皆不由徑路

漢武故事

以金為祀玉為階

三秦記

長樂高帝五年都長安九月治長樂宮

漢書

宮成諸侯群臣朝十月儀惠帝為東朝長樂宮及間往

數蹕煩民作復道方築武庫南通奏事乃詔立原廟

叔孫

傳梁孝王嘗上書願賜容車之地徑至長樂宮自使梁

國士衆築作甬道朝太后

鄒陽傳

長信長信宮漢太后常居之

黃武帝夜出夕還齋五日

糧會朝長信宮

方朔傳

五日一朝長信宮女齋五日糧長

信太后之宮也

注

成帝母王太后居長信宮班婕妤好求

共養太后長信宮上許之退處東宮作賦曰奉共養於

東宮託長信之末流

本長信傳

詹事掌皇太后宮景帝中

六年更名長信少府平帝元始四年更名長樂少府

百官

表張晏曰以太后所居宮為名也居長信宮則曰長信

少府居長樂宮則曰長樂少府也

注

帝祖母稱長信宮

帝母稱長樂宮後曰永樂宮

漢官儀

后宮在西秋之象也

秋主信故宮殿皆以長信長秋為名又永壽永寧殿皆

后所處也

黃圖

長門顧成廟遠無宿宮爰叔敦董偃白竇太主獻長門園上大說更名竇太主園為長門宮方朔傳武帝陳皇后擅寵驕貴十餘年而無子元光五年冊曰皇后失序惑下巫祝罷退居長門宮外戚傳陳后時得幸別在長門宮愁悶悲思司馬相如因于解悲愁之辭以悟主上皇后復得幸文選溫泉不到憶拾翠之舊遊長門深閉嗟青鳥之信脩駘蕩駘蕩宮春時景物駘蕩滿宮中也黃圖駘姿駘姿宮駘姿馬行疾貌馬行迅疾一日之間遍宮中言宮之大也

枵請枵詣宮枵詣木名宮中美木茂盛也

天梁天梁宮梁木至於天言宮之高也上

集靈宮華陰集靈宮宮在華山下武帝所造欲以懷集

仙者王喬赤松子故不殿為存仙端門南向署曰望仙

門相譚武帝巡省五岳禋祀豐備故立宮其下號曰集

靈宮西岳記集靈宮集仙宮存仙殿存神殿望仙臺望仙

觀俱在華陰縣界皆武帝宮觀名也黃圖

漢西嶽華山廟碑畧云孝武脩封禪之禮巡省五嶽

立宮其下宮曰集靈宮殿曰存仙殿門曰望仙門集

古錄云集靈惟見此碑按地里志華陰有集靈宮武

帝起水經注云敷水北逕集靈宮引地里志則不獨

見於此碑矣所謂存仙殿望仙門者諸書不載金石錄

按集靈存仙各見載記而二公之說若此

望仙元封三年起望仙宮洞冥記

步高京兆有望遠宮黃圖

望遠長安有望遠宮上圖

陽靈天子穆然瑤臺澄心儲精搜求索耦相與齊乎陽

靈之宮集乎禮神之囿登乎頌祇之堂揚雄井泉賦

神光入西園切神光蹂蕙圃殿蘭臺羽獵賦張晏曰神光

宮名也

濯龍桓帝延熹九年祠黃老於濯龍宮紀祠老子於濯

龍宮用郊天樂續漢志飾芳林而考濯龍之宮設華蓋以

祠浮圖老子斯將所謂聽於神乎論

承光順帝擢種暉監太子於承光宮本傳

太初昭明吳有太初宮方三百丈權所起也昭明宮方

五百丈皓所作也太康地記吳志避晉諱改曰顯明

逍遙慕容熙造逍遙宮高閣燕志

九華鄴縣銅雀臺北石虎建宮以三三為位謂之九華

宮梁沈約詩照耀三雀臺徘徊九華宮圖經

十宮十宮在江都縣北五里長阜苑內依林傍澗因高

跨阜隨地形置焉並隋煬帝立也曰歸鴈宮回流宮九

里宮松林宮楓林宮大雷宮小雷宮春草宮九華宮光

汾宮是曰十宮十道志壽春圖經

大明上都大明宮本永安宮貞觀九年改曰大明宮以

備太上皇清暑百官獻贊以助役高宗厭西內秋濕龍

朔二年始大興葺改曰蓬萊宮咸亨元年改曰含元宮

地理志大明宮高宗命司農少卿梁孝仁制造北據高原

南望爽磴每天晴日朗南望終南山如指掌京城坊市

街陌俯視如在檻內長安志元象著明帝坐維三皇唐設

位俯察仰參翼室正中游宮次南北起含元其容耽耽

總而言之如山之壽則曰蓬萊如日之昇則曰大明李華

殿賦

太和長安縣南太和谷有太和宮武德八年置貞觀二

十一年公卿請脩太和廢宮可以清暑詔遣將作大匠

閻立本於壞順陽王第取林瓦以建之包山為苑改為

翠微宮地志

王華貞觀二十一年建王華宮於宜君縣之鳳凰谷紀

即潤疏隍憑巖建宇土無文績木不彫鏤矯鋪首以荆

扉變綺窻於甕牖詔徐賢妃疏諫曰為政之本貴在無

為土木之功不可兼遂北闕初建南營翠微曾未逾時

王華創制雖復因山藉水非無架築之勞損之又損頗

有工力之費終以茅茨示約猶興木石之疲假使和雇

取人不無煩擾之弊故有道之君以逸逸人無道之君

以樂樂身舊傳二十一年正月王華宮李木連理隔澗合

枝會要

長春大業十三年高祖起義兵次長春宮紀視河外之

離宮信寰中之特羨飛重樓之沓秀繚長垣而層趾長

者仁壽之符春者發生之所長春賦

九成貞觀六年孟夏皇帝避暑九成之宮此則隨之仁

壽宮也冠山抗殿絕壑為池跨水架楹分巖竦闢高閣

周建長廊四起漢之甘泉不能尚也十六日上及中宮

歷覽臺觀閑步西城俯察厥土微覺有潤因而以杖導

之有泉隨而涌出乃承以石檻引為一渠其清若鏡味

其如醴魏徵銘局牖六合奔走八神梯霄架極考遺基於

汶上稽故典於淹中陽靈開避暑之宮景福制追涼之

殿洞龍對靈鐵鳳連薨王勃頌馬周上疏曰明勅以二月

幸九成宮臣竊惟太上皇春秋已高陛下宜朝夕視膳

而晨昏起居今所幸宮去京三百餘里鑿輿動輒嚴蹕

經旬非可以且暮至也太上皇情或思感而欲即見陛

下者將何以赴之且車駕今行本為避暑然則太上皇

尚留熱所而陛下自逐涼處溫清之道臣竊未安然勅

書既出業已成就願示速返之期以開衆惑舊傳

上陽高宗時初造蓬萊上陽合璧等宮倉庫漸虛張文

瓘因進諫曰人力不可不惜百姓不可不養養之逸則

富以康使之勞則怨以叛秦皇漢武廣事四夷多造宮

室使土崩瓦解戶口減半臣聞制化於未亂保邦於未

危人罔常懷懷於有仁臣願稍安撫之無使生怨舊傳上

陽宮在皇城西南東苑苑東垂南臨洛水西距穀水上

元中韋機充使所造列岸脩廊連亘掘地得銅器似盆

而淺中有隱起雙鯉之狀魚間有四篆字曰長宜子孫

時人以為李氏再興之符高宗末帝居北宮以聽政也

東京上陽別宮丹粉多狀霄倚霞連屹屹言言翼太和

而聳觀側賓曜而疏軒李庚東省雲宇而承天擎露蓋

而洗日賈登上陽宮賦都賦

紫桂儀鳳四年造紫桂宮於澗池縣西是年帝入洛乃

移御洛北陰殿尚書左僕射劉仁軌謂侍御史狄仁傑

曰古之陂池臺榭皆在深宮重城之內不欲外人見之

恐傷百姓之心也帝弘機之作列岸脩廊在於堙堞之

外萬方朝謁無不覲之此豈致君堯舜之意哉弘機聞

之曰天下有道百司各奉職輔弼之臣則思獻替之事

府藏之臣行詔守官而已吾不敢越分也調露二年

曰避暑宮永淳元年改曰芳桂宮地理新書以弘機事

附上陽宮

三陽宮武三思以則天厭居深宮又欲與張易之昌宗

等扈從馳騁以弄其權乃請創造三陽宮于嵩高山與

秦宮于萬壽山請則天每歲臨幸前後工役甚重百姓

怨之舊傳久視年則天幸三陽宮自夏涉秋不時還都張

說上疏諫曰三陽宮去洛城一百六十里有伊水之隔

崕坂之峻過夏涉秋水潦方積道壞山險不通轉運柰

何去宗廟之上都安山谷之僻處是猶倒持劔戟示人

鑄柄臣竊為陛下不取傳說

舊書本自明白新書乃為艱澁之詞云后道暑三陽宮故知震雷不暇掩聰不獨札闈洪休之誦矣夫道暑三陽不成語而孔帖復云后造道暑宮抑又誤已

華清貞觀十八年詔間立德建溫泉宮太宗臨幸製碑咸亨三年名溫泉宮十道志房瑄天寶五年為給事中時

元宗有逸志數巡幸廣溫泉為華清宮環宮置百司區舍以瑄資機美詔總經度驪山疏巖剔藪以為天子游

觀本傳楊妃每十月帝幸華清宮五宅車騎皆從家別為隊隊一色俄五家隊合爛若萬花川谷成錦繡遺鈿墮

烏瑟瑟璣琲狼藉于道香聞數十里本傳

望春西京禁苑內有望春宮在高原之上東臨灞澗今

上曾登北亭賦春臺詠朝士奉和凡數百西京記代宗時

姚南仲疏曰王者必據高明燭幽隱先皇所以因龍首

而建望春也本傳青門之左層谷嶙峋標上苑而獨出儼

複道而明望南山之翠色盈前渭水之素光在下李景遜賦

魚藻順宗為皇太子後侍宴魚藻宮張水嬉綵艦宮人

為權歌衆樂間發德宗驩甚顧太子曰今日何如太子

誦詩好樂無荒以為對順紀元和十五年八月壬辰幸魚

藻宮發神策軍二千人浚魚藻池九月辛丑大合樂於

魚藻宮觀競渡穆舊紀漢有魚藻宮西京雜記

王清南漢劉晟遣巨艦指揮使暨彥贇以兵入海掠商

人金帛作離宮游獵故時劉氏有南宮大明昌華井泉
玩華秀華玉清太微諸宮凡數百不可悉紀五代史

紫宮閭闔其廓兮似紫宮之崢嶸師古曰紫宮天

帝之宮也賦井泉賦體象乎天地經緯乎陰陽據坤靈之正

位放太紫之圓方東都賦煥若列宿紫宮是環上樂天宮紫

微宮北極天一太一鈎陳後宮也圖徵王者師天地體

天而行是以明堂之制內有太室象紫微宮南出明堂

象太微七紫之言此也宮之言中也言天神圖法陰陽

開閉皆在此中也春秋元命苞紫宮太帝室太一之精也春秋

合誠中宮天極星環之匡衛十二星藩臣皆曰紫宮也

華青丘山上有紫宮天真仙女多遊於此十洲記

琉璃方丈洲有金玉琉璃之宮三天司命所治之處十

天地東方有宮青石為牆高三仞左右闕高百丈畫以

五色門有銀榜以青石碧鏤題曰天地長男之宮西方

有宮白石為牆五色黃門有金榜而銀鏤題曰天地少

女之宮西南方有宮以金為牆門有金榜以銀鏤題目

天皇之宮南方有宮以赤石為牆赤銅為門有銀榜題

曰天地中女之宮北方有宮以黑石為牆題曰天地中

男之宮東南有宮以黃石為牆以黃碧鏤題曰天地少

男之宮西南有宮以黃銅為牆題曰地皇之宮神異

珠宮魚鱗屋兮龍堂紫貝闕兮珠宮楚辭鈴條無響閉珠

珠宮鄭請序

行宮自襄國至鄴二百里中四十里輒立一宮宮有一夫人侍婢數十黃門宿衛石虎下輦即止凡虎所造內外大小殿臺觀行宮四十四所鄴中記

汾陽大業十六年自江都還洛陽勅於汾洲北臨汾水起汾陽宮即管涔山汾河源所出之處當盛暑之時臨河盥漱即涼風凜然如八九月其地多雨經夏罕有晴日一日之中倏忽而雨倏忽而晴晴雨未曾經日雖高嶺千仞嶺上居人掘地深二三尺即得清泉用之隋圖經

三宮廬山有三宮上宮在懸崖之表人所不及次宮在山岩下兩邊有陰陽溝有石羊馬夾道相對下宮在彭蠡湖際郡國志

五宮大秦國城中有五宮相去各十里宮室皆以水精為柱食器亦然魏畧

秦漢宮秦有斬年宮信宮梁山宮並始皇所居史記漢有沛

宮林光宮龍泉宮交門宮萬歲宮池陽宮蒲陶宮竹宮

昭臺宮黃山宮太一宮思子宮漢書夜光宮棠梨宮七里

宮增城宮脩池宮扶荔宮長定宮回中宮黃圖鼎湖宮谷

口宮望仙宮通天宮漢武故事長安有鼓簧宮承光宮延壽

宮祈年宮長平宮漢宮闕名後漢有南宮北宮胡桃宮東觀漢記

魏有艸宮魏畧此諸宮皆範金合主而為之初學記

首山漢武元封元年封禪後高祖坐明堂朝群臣於是祀高祖于明堂以配天還作首山宮以為高靈館黃圖

壽宮北宮有神仙宮壽宮張羽旗設供具以禮神君神君來則肅然風生惟帳皆動上

七業七業宮大霞宮太素宮琅華宮滄浪宮丹臺新錄

逃夏宮今太守舍者春申君所造後壁屋以為逃夏宮

越絕書

宵遊宮漢成帝好微行於太液池傍起宵遊宮好夕出遊造飛行殿方一丈如今之輦選羽林之士負之以趨帝於輦上覺其行快疾聞其中若風雷之聲言其行疾也名曰雲雷宮拾遺記

殿

殿大堂也蒼頡篇殿堂之高大者說文漢書黃霸令郡國

上計吏有舉孝子弟弟貞婦者為一輩先上殿師古目

丞相所坐屋也古者屋之高嚴通呼為殿不必宮中也

本傳殿共也取衆屋擁從如軍之殿蘇氏演義

稱殿商周以前其名不載商子定分篇云臣侍殿上兵

陳殿上兵陳殿下史荆軻傳秦法群臣侍殿上者不得

持尺寸之兵諸郎中執兵皆陳殿下始皇紀先作前殿

阿房周馳為閣道自殿下直抵南山

殿陛凡大殿乃有陛堂則有階無陛也左城左平平者

以文磚相亞次城者為陛級也九錫之禮納陛以登謂

受此陛以上殿堂之正者為路寢凡殿堂坐位以近尊

為上無尊者則東向者以北為上南向者以西為上西

向者以南為上北向者以東為上也殿堂之上唯天子居林其餘皆匍匐席前設筵禮天子之殿東西九筵南

北七筵

摯虞決疑要注

天子殿高九尺階九齒各為九級

薛綜西京

象井殿堂象東井形刻作荷菱菱水物也所以厭火

風俗通

明光井泉殿函德殿明光殿臯門殿麒麟殿白虎殿金

華殿

漢書

椒房未央宮有椒房殿長樂宮前殿宣德殿通光殿高

明殿

三輔宮殿名

朱鳥長安有臨華殿神仙殿高明殿朱鳥殿曾城殿宣室殿永明殿鳳皇殿飛雲殿昭陽殿鴛鴦殿鈞臺殿合

歡殿蕭何曹參韓信並有殿

漢宮閣名

温明光武居邺鄴宮晝卧温明殿耿弇入造牀下請間

後傳趙王如意之殿也故基在今洛州邺鄴縣内

注王海歷代殿名書此於六國趙下誤

承明孝文皇帝躬行節儉其時未有井泉建章及上林

中諸離宮館也未央宮又無高門武臺麒麟鳳凰白虎

玉堂金華之殿獨有前殿曲臺漸臺宣室温室承明耳

前翼奉傳

宣室宣室未央前殿正室也淮南子曰周武王殺紂於

宣室漢取舊名也漢書曰文帝受釐宣室夜半前席賈

生問鬼神之事即此也

黃圖

靈光魯靈光殿者蓋景帝程姬之子恭王餘之所立也
 初恭王始都下國好冶宮室遂因魯僖基兆而營焉遭
 漢中微盜賊奔突自西京未央建章之殿皆見廢壞而
 靈光巋然獨存意者豈非神明依憑支持以保漢室者
 也然其規矩制度上應星宿亦所以永安也賦孔子
 廟東南立百步雙石闕即靈光之南闕北百餘步即靈
 光殿基東西二十丈南北十二丈高丈餘東西廊廡別
 舍中間方七百餘步闕之東北有浴地地方四十二步
 池中有釣臺方十步池臺之基岸悉石也遺基尚整故
 王延壽賦曰周行數里仰不見日者是也水經注
 温室温室殿武帝建冬處之温暖也黃圖温室以椒塗壁

被之文繡香桂為柱設火齊屏風鴻羽帳規地以芻賓

氍毹西京雜記

清凉清凉殿夏居之則清凉也亦曰延清室漢書曰清
 室則中夏含霜即此也

曹子建七啓温房則冬服絺綌清室則中夏含霜此
 云漢書誤

唐中武帝太初元年栢梁殿災於是作建章宮前殿下
 視未央其西則唐中殿受萬人又有疏圃鳴鑾奇華銅
 柱函德二十六殿黃圖

鴛鴦未央殿東有鴛鴦殿潘岳關中記

紫殿帝又于甘泉宮起紫殿雕文刻鏤黼黻以玉飾之

黃成帝設雲帳雲幄雲幕於甘泉紫殿世謂三雲殿漢掖庭有雲光殿九華殿不在簿籍皆繁華窈窕之所棲宿焉西京雜記

明光尚書奏事於明光殿省中以丹朱漆地故曰丹輝尚書伏其下奏事西門侍郎揖疏受事漢官儀

金華班伯少受詩于師丹大將軍王鳳薦班伯宜勸學召見宴昵殿拜為中常侍時上方鄉學鄭寬中張禹朝

夕入說尚書論語於金華殿中詔伯受焉數年金華之業絕叙傳劉尹與桓玄共聽講禮記桓云時有入心處便

覺咫尺玄門劉曰此未關至極自是金華殿之語世說新語八區武帝時後宮八區有招陽飛翔增成合歡蘭林披

香鳳凰鴛鴦等殿後有增修安處常寧蔗若椒風發越

蕙草等殿為十四位黃圖

昭陽成帝趙皇后居昭陽殿黃圖後寵少衰而弟絕幸為

昭儀居昭陽舍其中庭彤朱而殿上髹漆切皆銅沓冒黃金塗白玉階壁帶往往為黃金釭函藍田璧明珠翠

羽飾之自後宮未嘗有焉前傳昭陽特盛隆於孝成屋不呈材牆不露形西都賦

靈波甘泉宮南有昆明池池中有靈波殿皆以桂為殿柱風來自香黃圖

陽明嚴遵字子陵建武五年詔召遵設樂陽明殿命宴會暮留宿其夜客星犯天子宿會稽典錄

德陽明帝欲起北宮尚書僕射鍾離意上書諫出為魯
 相後起德陽殿殿成百官大會上謂公卿曰鍾離尚書
 若在不得成此殿東觀漢記正月旦天子幸德陽殿臨軒公
 卿將大夫百官各陪朝賀蠻貊胡羌朝貢畢見屬郡計
 吏皆陛覲庭燎宗室諸劉雜會蔡質漢儀偃師去宮四十三
 里望朱雀五闕德陽其上鬱律與天連洛陽宮閣疏建至顯
 宗既新崇德遂作德陽啓南門之特闢立應門之將將
 其內則含德章臺天祿宣明溫飭迎春壽安永寧飛閣
 神行莫我能形東京賦皇穹垂象以示帝王紫微之側洪
 誕彌光大漢體天承以德陽崇高弘麗包受萬方內摠
 朝貢外供遐荒李尤德陽殿賦德陽殿周旋容萬人激洛水

於殿下漢官典職

九龍明帝青龍三年洛陽崇華殿災丁巳行還洛陽宮
 命有司復崇華殿改名九龍殿魏志帝復崇華殿時郡國
 有九龍見故改曰九龍殿高堂隆傳

太極魏明帝上法太極於洛陽南宮起太極殿于漢崇
 德殿之故處水經注魏有太極九龍芙蓉九華承光諸殿

洛陽宮殿簿太極殿周制路寢也秦漢曰前殿今稱太極曰

前殿洛宮之號始自魏案史記秦皇改命宮為廟以擬
 太極魏號正殿為太極蓋採其義而加以太亦猶漢夏
 門魏加曰大夏耳咸康中散騎侍郎庾闡議求改大為

泰蓋謬山謙之丹陽記

百子景福殿賦遂及百子後宮攸處注帝誕景福殿賦
曰美百子之時居嘉休祥之令名毛詩箋云太妃十子
衆妾則宜百子殿名蓋取於此選文

神龍太初宮中有神龍殿去縣三里左太冲吳都賦云

抗神龍之華殿施榮楯而捷獵是也建康宮殿簿

赤烏赤烏殿在縣東北五里吳昭明宮內制度上應星

宿吳都賦云崇臨海之崔嵬飾赤烏之晞暉是也上

謙光張駿霸西河於姑臧起謙光殿畫以五色飾以金

玉窮盡琢巧四面各起一殿東方曰宜春青殿南方曰

朱陽赤殿西方曰政刑白殿北方曰玄武黑殿各同方

色各以時居之晉書

清暑烈宗起清暑殿讖者曰清暑反語楚聲也為殿以

酸楚之聲為號非吉祥也頃烈宗崩桓玄自號楚晉中興書

太極孝武太元三年僕射謝安作新宮太極殿欠一梁

有梅木流至石頭城下因取用之畫梅花于梁上以表

瑞焉因名梁殿歷宋齊后為梁武帝所居金陵覽古孝武帝

造太極殿郭璞筮云二百十年此殿為奴所壞後梁武

帝毀之捨身為奴晉中興書

璞明帝時為王敦所殺已五十餘年誤

玉燭宋末初所居唯稱西殿及孝武更造正光至燭紫

極諸殿雕欒綺節珠窻網戶南史

玉壽齊東昏出游火燒瓊儀曜靈諸殿乃大起芳樂仙

華等殿又別為潘淑妃起神仙永壽玉壽三殿皆市飾
以金壁其玉壽中作飛仙帳四而繡綺窓間畫畫神仙

南史

樟柱初侯景之平也火焚太極殿梁元議欲營之獨缺
一柱至陳末定二年有大樟木大十八圍長四丈五尺
流泊陶家後渚監軍鄒子度以聞詔中書令沈衆太府
卿蔡儔起太極殿陳書昔晉朝繕造文杏有闕梅梁瑞至
畫以標花自是迄今又獲神物即樟樹焉殿之某間即
某柱是也太極殿銘

麟趾宗慄名重南土江陵平與王褒等入關明帝初與
褒等在麟趾殿刊定群書數家宴賜周書武帝開麟趾殿

招集學士蕭大圜預馬上

觀風隋煬帝北巡宇文愷造觀風行殿上容侍衛者數
百人離合為之下施輪軸推移倏忽有若神功戎狄見
之莫不驚駭本傳

中華武德九年四月甘露降于中華殿之桐木法如冰
雪以示群臣會要永徽初高宗召宰臣弘文館學士坐中

華殿問何脩而王何若而伯令狐德棻曰王任德霸任
刑舊傳

丹青太宗宴群臣於丹青殿命公圍棊賜尚乘馬并金
裝鞍轡勒魏公諫錄

飛霜貞觀二十年七月宴五品已上於飛霜殿絳竹漚

奏群臣上壽賜綾錦殿在元武門北因地形高敞層閣
三成引水為紫渌池以滌炎暑實錄

兩儀貞觀十六年帝謂侍臣曰因覽劉聰傳為劉后將

起鷄儀殿陳元達諫朕於藍田市木將別為一殿取制

兩儀仍建重閣遠想聰事遂止舊唐中宗宴兩儀殿令胡

人唱合笙武平一上書諫曰兩儀承慶殿者陛下受朝

聽訟之所比大饗群臣不宜以倡優媒俾上

瑤池太宗嘗御瑤池殿顧謂侍臣曰西蕃通來幾時魏

公諫錄

相思貞觀十六年薛延陀真珠可汗請使其姪實利設

納幣及獻饌上御相思殿大饗群臣設十部樂通鑑

紫微貞觀二十一年七月帝遊幸勅奉御王孝積於

道門內起紫微殿十三間文甍重基高敞宏壯帝見之

甚悅實錄

紫宸龍朔三年四月移仗就蓬萊宮始御紫宸殿聽政

百寮奉賀會要

麟德明皇天性順睦雖謔說無以搖時有鸛鳴千數集

麟德殿廷木翔棲浹日魏光乘作頌以為天子友悌之

祥帝喜亦為作頌寧王金鑾西南曰長安殿長安北曰

仙居殿仙居西北曰麟德殿此殿三面故以三殿名大

福殿在三殿北拾翠殿在大福殿東南兩京

金鑾李白天寶中賀知章言於玄宗召見金鑾殿論當

世事奏頌一篇賜食親為調羹本傳大明宮紫宸殿北曰

蓬萊殿西龍首山支隴起平地上有殿名金鑾殿殿旁

坡名金鑾殿兩京記殿因金鑾坡以為名與翰林院相接

五代會要

含元大明宮龍朔三年移仗就蓬萊宮新作含元殿會要

含元路寢大朝會之所御也五行志含元殿左右立栖鳳

翔鸞二閣龍尾道出於閣前殿門去南門五里元會來

朝者仰瞻玉座如在霄漢康駢劇談錄

九龍馬希範作九龍殿以八龍繞柱自言身一龍也

太和玉清宮中有寥陽殿太和殿登真隱訣

天中記卷之十三終

天中記卷之十四

朗陵陳耀文晦伯甫纂

四明屠隆緯貞甫校

樓

樓狹而脩曲曰樓爾雅樓重屋也櫟澤中守草樓也說文樓

有戶牖諸孔悽悽然也釋名

十二方士有言黃帝時為五城十二樓以候神人于執

期名曰迎年封禪書崑崙山有積金為天墉城上安金臺

五所玉樓十二所十洲記

昆侖濟南人公玉帶上黃帝時明堂圖中有一殿為樓

道上有樓從西南入命曰昆侖郊祀志

飛翼范蠡為勾踐立飛翼樓以象天門為兩繆繞棟以

象龍角 吳越春秋

九柱老子廟有皇天樓九柱樓靜念樓皆畫仙人雲氣

瀨鄉記

虞氏虞氏者梁之富人登高樓臨大路擊搏樓上而笑

有俠客相隨而行飛鳶適墜其腐鼠而中之俠客曰虞

氏富樂已久吾不侵犯乃以此辱我此無以立懂于天

下遂率其屬以滅其家 列說符

麗譙徐無鬼見武侯曰君亦必無盛鶴列於麗譙之間

無徒驥於錙壇之宮注麗譙戰樓也謂華麗而譙 莊

陳勝攻陳守丞與戰譙門中師古曰樓一名譙故謂美

麗之樓為麗譙 漢書趙充國為塹壘木樵師古曰樵與譙

同傳本

初學記魏有麗譙蓋即莊子中事白帖乃云魏武有

麗譙樓合壁事類及韻府俱因之誤 傳本

井幹武帝立神明臺井幹樓高五十丈輦道相屬師古

曰井幹樓積木而高為樓若井幹之形也井幹者井上

木欄也 郊祀志攀井幹而未半目眩轉而意迷 西都賦神明

岨其特起井幹疊而百層 西京賦

赤樓公孫述造十層赤樓也 東觀漢記

升樓黃昌為郡守陝縣彭氏造高樓臨道昌行縣彭氏

婦人輒升高樓而觀昌乃殺之 後漢

落星吳嘉禾元年於桂林苑落星山起三重樓名曰落

星樓金陵地記數軍實乎桂林之苑饗戎旅乎落星之樓

賦吳有白雀樓吳紀

百尺洛陽城內西北角有金墉城東北角有樓高百尺

魏文帝造也洛陽地記殷中軍廢後恨簡文曰上人箸百尺

樓上僖梯將去世說

登樓富陽縣城樓王仲宣登之而作賦荆州記富陽東南

三十里有楚昭王墓登樓則見所謂昭丘荆州圖記

鳳皇洛陽有鳳皇樓總章觀儀鳳樓在觀上廣望觀之

南又別有翔鳳樓又有慶雲樓伺星樓晋宮閣名

西望石虎於太極殿前起樓高四十丈結珠為簾垂五

色玉珮風至鏗鏘和鳴清雅盛夏之時登高樓以望四

極奏金石絲竹之樂以日繼夜時早春雜寶異香為

屑使數百人於樓上吹散之名曰芳塵拾遺

庾公庾亮在武昌諸佐吏殷浩等乘秋夜佳景共登高

樓俄而不覺亮至衆將避之公曰老子於此興復不淺

便坐談詠至今名庾公樓九江錄觀名與天壤齊者有若

豫章之滕王閣九江之庾樓吳興之消暑樓宣城之疊

嶂此外不過更二三所而已滕宗諒上范希文詩序互見月門

入漢義熙八年於石頭東城內起高樓加累入於霄漢

連襟帶于積水署曰入漢樓晋書

萬歲有黃鶴山在縣界晉王恭為刺史改創西南樓名

萬歲西北名芙蓉樓至今存焉京口俗傳此樓飛向江

外以鉄鎖縻之方已與地志又樓上時見一道白氣如烟

刺史必死輕者貶州人至今為常候羊頭山記

桐亭浦陽江自嶧山東北逕太康湖車騎將軍謝玄田

居所在右濱長江左傍連山平陵脩通澄湖遠鏡於江

曲起樓樓側悉是桐梓森聳可愛民居號為桐亭樓樓

兩面臨江盡升眺之趣蘆人漁子汎濫蒲焉水經注

景陽宋元嘉二十二年脩廣華林園築景陽山始造景

陽樓孝武大明元年紫雲出景陽樓狀如烟迴薄久之

詔改為雲樓輿地志

樓霞江陵城西百餘步有樓霞樓宋臨川康王義慶置

荆州記樓霞樓俯臨通隍吐納江流水經注

烽火齊武帝登烽火樓詔群臣賦詩蕭穎胃詩合旨帝

謂穎胃曰宗室便不乏才本傳

玄暢沈約齊隆昌元年以吏部郎出為東陽太守題八

詠詩于玄暢樓時號絕唱後人因更玄暢為八詠樓云

金華志崔顥題隱侯八詠樓詩梁日東陽守為樓望越中

嚴維詩明月雙溪水清風八詠樓

統志云宋郡守馮伉更此名唐書有馮伉不為郡守

宋人更名嚴維安得預有此句耶

青樓齊武帝興光樓上施青漆世人謂之青樓東昏曰

武帝不巧何不純用瑠璃本紀

北顧大同十年幸蘭陵因賦還舊鄉詩已酉幸京口城北固樓改名北顧因幸回賓亭晏下鄉故老及迎候者少長數千人各賚錢二千書梁初京城之西有別嶺入江高數十丈三面臨水號曰北固蔡謨起樓其上以置軍實是後崩壞頂猶有小亭登降甚狹及上升之下輦步進南徐州刺史蕭正義乃廣其路傍施欄楯翌日上幸遂通小輿上悅登臺久之敕曰此嶺不足須固守然京口實乃壯觀乃改曰北顧南史

三層陶弘景齊永明初于句容之句曲山更築三層樓弘景處其上弟子居其中賓客至其下與物遂絕唯一家僮得至其所梁書

文選襄陽有文選樓金城內刺史院有高齋昭明太子

於此齋造文選襄沔記隋煬帝自達廣陵嘗幸昭明文選

樓車駕未至先命宮娥數千人昇樓迎侍微風東來宮

娥衣被風綽直泊肩項帝觀之色荒愈熾南部煙花錄

統志云昭明聚賢士劉孝感庾肩吾徐防江伯操孔

敬通惠子悅徐陵王固孫爍鮑至十餘人號曰高齋

學士著文選於此今有臺址存

南史云庾肩吾初為晉安王國常侍王每徙鎮肩吾

常隨府在雍州被命與劉孝威江伯樞申子悅徐摛

孔鑠等十人抄撰衆籍號高齋學士襄沔記同志云

昭明學士誤

清德後周長孫儉為荊州刺史吏民請為儉建清德樓立碑頌德詔許之

迷樓隋煬帝至廣陵建迷樓擇下俚稚女居之使衣輕

羅罩裳倚檻望之勢若飛舉又藝名香於四隅煙氣霏

霏常若朝霧未散謂為神仙境不我多也隋遺錄杜牧詩

煬帝雷塘路迷藏有舊樓誰家唱水調明月滿揚州王

觀揚州賦云四帳無所兮失迷藏之樓

迷樓記云浙人項昇能構宮室先進圖本帝大悅詔

有司營之經歲而成工巧之極自古無有帝幸之大

喜顧左右曰使真仙遊其中亦當自迷也可目之曰

迷樓后帝幸江都唐帝入京見迷樓曰此皆民膏血

所為乃命焚之經月火不滅青瑣高議

按煙花錄以迷樓在江都而牧之王觀皆同劉斧乃

妄構虛詞謂在長安是地里之莫辨也其海山開河

等記可盡信耶

統志云樓在揚州而分注引記中語

汜水孔德紹事實建德為中書侍郎嘗草檄毀薄太宗

賊平執登汜水樓責曰爾以檄謗我云何對曰大吹非

其主帝怒曰賊乃主耶命壯士碎殞樓下新唐

望春初潼水銜苑有望春樓帝堅于其下鑿為潭以通

漕玄宗為昇樓詔群臣臨觀賜名廣運潭本傳代宗時姚

南仲上疏云且王者必據高明燭幽隱先皇所以因龍

首而建望春也

本

望仙上皇正在望仙樓太貞同凭欄千立樓上樓前畫

珠翠炫轉熒煌照天地

元植連昌宮詞

觀風此時上御觀風樓水光山影相參差

津陽門詩樓在宮

外東北隅屬夾城而連于內前臨馳道周視山川

注

紅樓安國寺紅樓睿宗在東宮時造元和中廣宣上人

住此上有詩名時號為紅樓集

酉陽雜俎

望省崔日知歷職中外恨不居八座及為太常卿於都

寺廳事後起一樓與尚書省相望時人謂之崔公望省

樓

國史纂異

望京浚儀城西門樓本無名唐文宗太和二年節度使

令狐絢重脩因登臨賦詩曰夷門一鎮五經秋未得朝

天未免愁因上此樓望京國便名樓作望京樓

寰宇記

祈祥劉闢為西川節度使以術家言五福大一舍于蜀

乃造大樓以祈祥

新唐

萬卷田弘正性忠孝好功名起樓聚書萬餘卷通春秋

左氏與賓屬講論終日

本傳

明月吳興刺史楊傑次公明月樓詩云江南地煖少嚴

風九月炎涼正得中溪上玉樓樓上月清光合作水晶

宮吳興因此謂之水晶宮

方輿勝覽

海棠海棠樓李回出為劍南西川節度使于成都建海

棠樓以會僚佐鄭谷詩上國休誇紅艷杏深溪自照綠

言磯一枝低帶流鶯睡數片猶如舞蝶飛

迎仙高駢於府第別建道院院有迎仙樓延和閣高八十尺飾以珠璣金鈿侍女教百皆羽衣霓服和聲度曲擬之鈞天日與呂用之高守一三人授道家法錄談論於其間賓佐罕見其面唐舊用之以神仙好樓居請駢公解邸北跨河為迎仙樓其斤斧之聲晝夜不絕費數萬緡半歲方就自成至敗竟不一遊扁鑄儼然以至灰燼

妖亂志

齊雲昭宗乾寧三年鳳翔李茂貞欲搆難犯于神京上欲幸太原行止渭北華州韓建迎歸郡中上鬱鬱不樂時登城西齊雲眺望明年秋製菩薩蠻詞二首中朝故事

百尺唐主于宮中作百尺樓命群臣觀之眾皆嘆美蕭

儼曰恨樓下無井耳唐主問其故對曰所以不及景陽

樓唐主怒貶于舒州續世說木平和尚者南唐保大初徵

在闕下常出入禁中他日從上登百尺樓上曰新建此

樓制度佳否木平曰尤宜望火上初不喻其旨居數載

木平卒淮甸大擾自壽陽置烽候以應龍安山旦夕上

多登覽以瞻動靜唐南

畫紅樓王蜀先主所建綵繪華侈初穎川人華洪隨先

主入蜀賜姓王名宗侃至是造紅樓城中相率來觀曰

看畫紅樓先主以為應華洪之讖乃誅之成都古今記

玳瑁西魏文帝毀東宮造嬪嬙諸院起玳瑁樓隋食

散花唐成都有散花樓河東有薰風樓

披雲北齊有披雲樓隋有乘雲樓

浴日上陽宮有麗春臺浴日樓京雜記

三十六國有凌雲樓海王

觀風此時新構觀風樓樓高百尺堆華榭樓南更起聞

鷄殿神光山影相參差津陽門詩

朝日六朝有朝日樓夕月樓海王

萬歲北齊有萬歲樓千秋樓

逍遙蒲州有逍遙樓唐玄宗登樓詩云黃河分地絡飛

觀接天津蘇頲和云樓觀分迤邐河山幾縈紆文苑英華

齊有逍遙樓海王

鴛鴦孫逖奉和御製登鴛鴦樓應制詩云玉輦下離宮

瓊樓上半空英華北齊有鴛鴦樓鸚鵡樓海王

翡翠崔湜黎園亭子侍宴應制詩云草綠鴛鴦殿花明

翡翠樓英華翡翠為樓金作梯誰人獨宿倚門啼李太白

七重西域泥婆羅宮中有七重樓覆銅瓦楹棟皆大排

雜寶四隅置銅槽下有金龍口激水仰注槽中

七鳳于闐有七鳳樓五代史

欄干墮和羅屬國曰陀洹一云耨陀洹俗喜樓居謂為

欄干唐書外夷傳

臨肆李晦為雍州長史私第有樓下臨酒肆其人嘗候

晦言曰微賤之人雖則禮所不及然家有長幼不欲外

人窺之家逼明公之樓出入非便請從此辭悔即日毀其樓談賓錄唐書初晦第起觀閣下臨肆區云

看街韋景讓為御史大夫大臣貴戚有看街樓閣皆泥之畏其糾彈也金華

閣阿閣黃帝時鳳凰集東園止於阿閣韓詩外傳

虞黃帝坐於虞閣鳳凰銜書致帝前其中得五始之文春秋黃帝坐元扈樓上與大司馬容光臨觀鳳凰之

至河圖錄秦二世造漢宮閣秦二世起雲閣欲與山齊

閣秦結雲閣冠南山東京乘雲閣而上下耳泉

石渠石渠閣蕭何造其下礎石為渠以導水若今御溝因為閣名所藏入閣所得秦之圖籍至於成帝又於此

藏秘書焉三輔黃圖帝元成其露中受紹與太子太傅蕭望之及五經諸儒雜論同異於石渠閣條奏其對上親制

臨決傳葛龔考天文於蘭閣覽群言於石渠反天祿

天祿麒麟蕭何造以藏秘書處賢才漢宮天祿石渠並在未央大殿北以藏秘書三輔天祿石渠典籍之

府西都校文之處西京天祿閣藏典籍之所三輔劉向於成帝之末校書天祿閣專精覃思夜有老人著黃衣

植青藜杖登閣而進見向暗中獨坐誦書老父乃吹杖端煙燃因以見向說開闢已前向因受五行洪範之文

恐辭說繁廣忘之乃裂裳及紳以記其言至曙而去向
請問姓名云我是太一之精天帝聞金郊之子有博學
者下而觀焉乃出懷中竹牒有天文地圖之書余畧授
子焉至向子歆從向授其術向亦不悟此人焉拾遺哀
帝命子歆嗣父之業乃徙溫室中書于天祿閣上歆遂
總群篇撮指要著七畧大凡三萬三千九十卷隋經籍志王
莽以符命自立時楊雄校書於天祿閣上治獄使者欲
收雄雄從閣上自投下幾死莽聞之曰雄素不與事
詔勿問然京師為之語曰惟寂寞自投閣爰清靜作符
命漢書

天祿麒麟閣蕭何造以藏秘書畫賢臣漢宮殿疏宣帝

甘露三年二月單于始入朝上思服肱之美乃圖霍光
等至蘇武凡十一人於麒麟閣明著中興輔佐列於方

叔召虎仲山甫焉蘇武傳

白虎未央宮有白虎閣屬車閣三輔黃圖

延閣孝武建藏書之策置寫書之官注如淳曰劉歆七

畧曰外則有太常太史博士之職內則有延閣廣內秘

室之府藝文志延閣棧道淮南子結陽城之延閣蜀都賦

西閣楊惲觀西閣上畫人拈桀紂畫謂樂昌侯王武曰

天子過此一二問其過可以得師矣本傳

阿閣馬嚴顯宗時拜將軍長史將救嚴過武庫祭蚩尤

帝親御阿閣觀其士衆時人榮之馬援傳周書曰明堂咸

有四阿然則閣有四阿謂之阿閣文選注四阿若今四注

屋古詩阿閣三重階周禮注

仁壽明章重儒術四方鉅儒為生負袞自遠而至者不

可勝美石室蘭臺弥以克積於東觀及仁壽閣集新書

校書班固傳毅等典掌馬並依七畧為書部因又編為

漢藝文志隋志

三閣魏氏采掇遺亡藏在秘書中外三閣隋經籍志魏鄭默

拜秘書郎中掌中外三閣刪少日繁文除其浮穢始制中

經本傳陸機表云身登三閣注曰明秘書郎掌內外三閣經

書也晉今日秘書郎掌三閣經一書文選即徐廣科秘閣四部見

書凡三萬六千卷續晉陽秋陸士衡詩升降秘閣注即尚書

省也又曰絜身躋秘閣注秘書省亦為秘閣文選

麟趾興和三年詔群臣於麟趾閣議定法制謂之麟趾

格北史封隆之參議麟趾閣新制上

凌煙大極宮中有凌煙閣在疑陰殿內功臣閣在凌煙

閣南頡利既平置酒于此京師雜記而正觀十七年二月二

十八日詔曰自古皇王褒崇勲德既勒名于鍾鼎又圖

形于丹青是以甘露良佐麟閣著其美建武功臣雲臺

紀其跡長孫無忌等二十四人宜酌故實並圖畫凌煙

閣庶念功之懷無謝於前載旌賁之義未貽於後昆會要

河間元王段志元碑並云圖形載武閣意凌煙先名載

天中記

武後改之爾錄金石

翔鸞樓鳳大明宮中丹鳳門內正殿曰含元殿夾殿兩

閣左曰翔鸞右曰棲鳳閣下即朝堂肺石登聞鼓唐六

凝暉李淳風上渾天儀皆用銅帝稱善令置於凝暉閣

天文志

朝元元宗幸溫泉宮登朝元閣賦詩舊史天寶初元宗嘗

登朝元閣賦詩近臣屬和帝以席豫詩最工詔曰詩人

冠冕也本傳元宗幸驪山登朝元閣命群臣賦詩正字劉

飛詩最清拔特蒙激賞開元記神之本以朝為大乾之德

以元為高孫明仁賦

儀仙起草儀仙閣宋之問詩

滕王滕王者唐高祖之子武德中出為洪州刺史喜山

水酷愛蝴蝶尤以書妙音律暇日乘青雀舸遊江漢自

選芳渚基址不大高低得宜遠瞰湘雲近枕漢水仍便

以王兩名閣焉開元記韓愈少時嘗聞江南多登臨之美而

滕王閣獨為第一有瓌瑋絕特之稱閣記

四香楊國忠用沉香為閣檀香為闌檻麝香乳香篩土

為泥篩謂之四香閣春時芍藥盛開聚賓友于閣上禁

中沉香亭不侔此壯麗也天寶遺事

含薰王元寶起高樓以銀鏤三稜屏風代籬落密置香

槽香自花鏤中出號含薰閣清異錄

延和高駢起延和閣於大廳之西凡七間高八丈皆飾

天口已

卷十四

三

以珠玉綺窓繡戶殆非人工每旦焚名香列異寶以祈
王母之降及畢師鐸亂人有登之者於藻井垂蓮之上
見二十八字云延和高閣上千雲小語猶疑太一聞燒
盡降真無一事開門迎得畢將軍此近詩祆也妖亂志
天冊馬氏霸湖南末年天冊閣為天火焚朗州寺此夜
聞空中呵喝言迴避天冊閣來也雲中騰沸若千萬人
昇荷重物然累日方潭州大矣宋高僧傳
昇元開元九年江寧縣瓦棺寺閣西南久傾因風自正
吳順義中改寺為昇元寺閣為昇元閣龔穎運曆圖康仁傑
以陳德誠薦至金陵會群公旬沐宴昇元閣仁傑造席
和登閣詩有雲散便疑千里望日斜長占半城陰之句

產皆大鷲

南唐書

南唐書云昇元閣因山為基高可十丈

平思閣影半江開寶中王師收復士大夫暨豪民富商
之家美女少婦避難于其上迄數千人越兵舉火焚之
哭聲動天一旦而燼金陵志

天佑施功宰相柳璨奏西京舊有凌煙閣圖畫國初功
臣今遷幸東都比未崇建四鎮副元帥梁王勲業冠古
請近凌烟閣別創一閣圖畫梁王以旌德業詔曰魏賞
彭陽之功別創紀勲之觀齊旌泗水之積乃崇嘉德之
樓式示新規爰從舊典宜令所司於皇城擇善地別造
凌煙閣圖寫賜名曰天佑施功之閣五代史

乘風觀雲臺高閣十四間乘風觀閣十二間

洛陽地記

臨波紫微宮有臨波閣閭闔閣東京記

飛閣周廬千列微道綺錯輦路經營蘭除飛閣西都賦

門何峨峨飛閣跨通波陸機樂府詩飛閣纓紅帶上

閣

閣閣門傍戶也說文小閨謂之閣爾雅

東閣公孫弘開東閣以延賢人注師古曰閣小門也東

向開之避當門引賓客以別於據史官屬本公孫弘至

丞相開東閣延賢人與謀議朝覲奏事因言國家便宜

上令助等與大臣辨論中外相應以義理之文嚴助薛

宣謂朱雲曰留小東閣可以觀四方奇士雲傳

黃閣太尉公有黃閣主簿錄省衆事讀三公黃閣前

無其義禮記士禱與天子同公侯大夫則異鄭元注云

士賤與君同不嫌也夫朱門洞開當陽之正色也三公

之與天子禮秩相亞故黃其閣以示謙漢舊制也宋陳

三公之制開黃閣聽事置鴟吻北齊三公府三門當中

門黃閣設內屏黃閣主簿掌閣下威儀通典張超與陳公

箋云拜黃閣將有日月

省閣楊賜拜太尉中平元年被召會議詣省閣切諫後傳

金光洛陽宮有金光閣青陽閣承休閣朱明閣安樂閣

白藏閣顯仁閣崇明閣章德閣飛雲閣安世閣長安閣

長安有東明閣西華閣紫闥閣晉宮閣名

上閣崔光乘步挽至東西上閣後魏比齊有西上閣通典

宣政之左曰東上閣右曰西上閣典六

朱華隋姚察授秘書丞救於朱華閣長參

宣光李適擢脩文館學士睿宗時待詔宣光閣本傳

闕

闕闕在門兩旁中間闕然為道也釋闕缺也門兩邊缺

然為道也廣志闕觀也古每門樹兩觀宇其前所以標表

宮門也其上可居登之則可遠觀故謂之觀人臣將朝

至此則思其所闕故謂之闕其上皆畫雲氣仙靈奇禽

惟獸以示四方蒼龍白虎玄武朱雀並畫其形霍約古

象魏大宰正月之吉始和懸治象之法于象魏注鄭司

農云闕也疏周公謂之象魏雉門之外兩觀闕高巍巍

然周禮治之見於象者為治象書治象之法者為象魏兩

觀之垂治象者為魏闕易氏其上垂法象巍巍高大謂之

象魏使人觀之謂之觀左莊二十

舊章魯司鐸火季桓子至御公立于象魏之外命救火

者傷人則止財可為也命藏象魏曰舊章不可亡也哀三

過闕下車衛靈公與夫人夜坐間有車聲麟麟至闕而

息過闕復有聲公問夫人曰知此謂誰夫人曰此籛伯

玉也公曰何以知之夫人曰聞禮下公門軼路馬今

籛伯玉賢者也必不以暗昧廢令人視之果如所

言列女傳

魏闕中山公子牟謂瞻子曰身在江海之上心居乎魏

闕之下柰何瞻子曰重生重生則利輕中山公子牟曰
 雖知之未能勝也瞻子曰不能自勝則從神無惡乎不
 能自勝而強不從者此之謂重傷之人無壽類矣王
 冀闕秦孝公築冀闕臨渭水在咸陽西四十里水經
 東門東海郡胸縣始皇立石海上以為東門闕漢地理志
 東北闕蕭何造未央宮立東闕北闕高祖紀中記曰未央
 宮東有蒼龍闕北有元武闕史記東闕名蒼龍北闕名
 元武秦舊宮皆在渭北立東北闕取其便也索隱
 鳳凰闕建章宮東起別風闕高二十五丈乘高以望遠
 又於宮門北起圓闕高二十五丈上有銅鳳凰赤眉賊
 壞之西京賦云圓闕聳以造天若雙碣之相望是也三

舊事鳳凰闕漢武帝造高七十丈五尺鳳凰闕一名別風

闕廟記長安民俗為鳳凰闕為貞女樓楊震闕闕上有金

鳳高丈餘黃圖注栢梁臺有桐鳳因名鳳闕三秦記

雉曉雉曉闕在圓闕門內二百步廟記閭闔之內別風

曉西京賦正紫宮於未央表曉闕於閭闔上

過闕下車萬石君過宮門闕必下車趨漢書

陵霄陵霄闕始建有鵲巢其上帝以問高堂隆魏志

天闕孫氏無闕大晉南都亦不暇立門闕遂廢滅榮緒

大興中議者皆言漢司徒義興許或墓二闕高壯可徙

施之王茂弘弗欲後陪乘出宣陽門南望牛頭山兩峯

即曰此天闕也豈煩改作帝從之今出宣陽望此山良

似闕丹陽記

博望孝武太明七年博望梁山立雙闕宋書

石闕天監七年正月戊戌作神龍仁獸闕於端門大司

馬門外梁紀詔曰昔晉氏青蓋南移日不暇給而兩觀莫

築懸法無所今禮盛化光役務簡便可營建象闕以表

舊章於是選匠量功鑄石為闕窮極壯麗冠絕古今奇

禽異羽莫不畢備劉璠梁典闕成朝士銘之時陸倕字佐公

其文甚佳士流推伏侯景作亂焚燒宗廟城府寺百

無一存尋高麗等國入貢見其凋殘遂哭於下六朝事

陸倕序曰象闕之制其來已遠春秋設舊章一教經禮

垂布憲之文戴記顯游觀之言周史書樹闕之慶北流

明月西極流精海岳黃金何庭紫貝蒼龍玄武之製銅

爵鐵鳳之工或以聽窮省寃或以布化懸法或以表正

王居或以光崇帝里序曰晉假天闕於牛頭宋託遠圖

於博望有欺耳目無補憲章乃命審曲直之官選明中

之士陳圭置臬瞻星揆地趨以表敦觀而知法物觀雙

碣之容民識百重之典銘曰布教方顯浹日初輝色法

上圓制模下矩前賓四會却背九房北通二轍南奏五

方選武帝雅好辭賦獻文章於南闕者相望奉敕與陸

倕各製新闕銘袁峻傳

石金東南有石井其方百丈上有二石闕在東南面上

有罇熊有榜着闕題曰地戶西北荒中有二金闕高百

大金闕銀盤圓五十丈二闕相去百丈上有明月珠徑
三丈光照千里中有金階西北入兩闕中名天門神異經互

見天門

流精崑崙山有三角一正東有壙城金臺玉樓相鮮有
流精之闕西王母所治也十洲記崑崙山第九層山形漸

狹小下有芝田蕙圃皆數百頃群仙種穉焉傍有瑤臺

一二各廣千步皆五色玉為臺基最下層有流精闕直

上四十丈東有風雲雨師闕拾遺記

黃金蓬萊方丈瀛洲此三山在海中諸仙人不死藥皆

在焉黃金白銀為宮闕漢書

紫貝魚鱗屋号龍堂紫貝闕号珠宮楚辭王逸曰言河伯

所居以紫貝作闕也

華闕樹中天之華闕豐冠山之朱堂西都賦

崇闕豐屋廣夏崇闕百里徐幹七喻

朱闕崇墉岡連以嶺屬朱闕巖巖以雙立魯靈光殿賦

青闕流雲藹青闕皓月鑒丹宮顏延年直東宮詩

伊闕昔大禹疏以通水兩山相對望之若闕伊水歷其

間北流故謂之伊闕矣春秋之闕塞焉昭公二十六年

趙鞅使女寬守闕塞是也陸機云洛有四闕斯其一焉

東巖西嶺並鐫石開軒高臺架峯西側靈巖下泉流東

注入于伊水傳毅及都賦曰因龍門以暢化開伊闕以

達聰水經

神闕南康縣歸義山去縣七百里下有石城高數丈遠

望嵯峨靈闕騰空故老謂之神闕南康記

桂蒲牂牁郡有桂蒲闕漢書

雙闕長安城西有雙闕上有雙銅雀一鳴五穀熟再鳴

五穀熟古歌

百常表以百常之闕圍以萬雉之城建此百常與茲

雙起陸倕石闕銘

燹闕左攬槍而右玄冥前燹闕而後應門賦并泉

觀

觀觀也於上觀望也釋名

兩觀子家駒曰諸侯備於天子大夫備於諸侯矣昭

公曰吾何備矣哉子家駒曰設兩觀乘大路公羊昭二

禮天子諸侯臺門天子外闕兩觀諸侯內闕一觀註夏

五月壬辰雉門及兩觀災兩觀微也然則曷為不言雉

門災及兩觀主災者兩觀也上定

昆吾衛侯夢於北宮見人登昆吾之觀注云衛有觀在

古昆吾氏之墟也今濮陽城中左哀十七

青梧五柞宮有青梧觀觀前有三梧桐樹樹下有石騏

麟二枚刊其脇為文字是秦始皇鄴山墓上物也頭高

一丈三尺東邊者前左脚折折處有赤如血父老謂其

有神皆含血屬筋焉西京雜記

白楊營合圍會然後先置乎白楊之南校獵賦注白楊觀

名

飛廉延壽公孫卿謂武帝曰仙人好樓居於是上令長

安作飛廉柱觀其泉則作延壽觀史記

上蘭校獵上蘭元后傳望子彌轡翼乎徐至於上蘭羽獵賦

陳虎旅於飛廉正壘壁乎上蘭西京賦上林有上蘭觀薛

鳩鵲慶石關歷封巒過鳩鵲望露寒注張揖曰此四觀

建元中作在雲陽甘泉宮外上林賦建元中作石關封巒

鳩鵲觀黃楊雄云近則有洪涯儲胥遠則有石關封巒

鳩鵲露寒棠梨等觀又有高華白虎溫德相思觀史記正義

雲陽宮記云宮東北有石門山岡巒糾紛干霄秀出有

石巖容數百人上起甘泉觀其泉賦云封巒石關羈進

乎延屬黃圖

龍臺上林賦登龍臺掩細柳注皆觀名三輔故事曰龍

臺高六丈漢時龍見陂中故作此臺

豫章集乎豫章之字注館名黃圖曰上林有豫章觀武

帝造在昆明池中亦曰昆明觀西都賦大修昆明池列觀

環之史平準書昔豫章之名字披元池而特起儀景星於天

漢列牛女以雙峙西征賦

屬玉甘露二年十二月行幸萑陽宮屬玉觀注晉灼曰

屬玉水鳥似鳩鵲以名觀也應劭曰宮在鄠秦昭王起

宣紀天子乃登屬王之館歷長楊之榭西都賦

平樂東方朔有平樂觀賦本傳明帝至長安迎取飛廉并

銅馬置上西門平樂觀華嶠後漢書靈帝時青徐黃巾復起

帝自稱無上將軍燿兵於平樂觀紀

東觀和帝永元十三年正月帝幸東觀覽書林閱篇籍

博選藝術之士以充其官注陸機洛陽記曰在南宮高

闕十二間介于承風觀紀竇章少好學有文章與馬融

崔爰同好更相推薦求初中學者稱東觀為老氏咸室

道家蓬萊山大僕鄧康薦章入東觀為校書郎注老子

為守臧史復為柱下史四方所記文書皆歸柱下言東

漢經籍多也蓬萊海中神山為仙府幽經秘錄並皆在

焉本傳黃香元和元年肅宗詔詣東觀讀未見書文南宮

有東觀漢氏圖籍所在有石渠石室延閣廣內蓄之於

外府又有御史掌蘭臺秘書及麒麟天祿二閣藏之

內禁威帝延熹二年始置秘書監官掌典書古今文字

攷古今同異屬太常洛陽宮殿各高彪舉孝廉為郎中校書

東觀因事諷諫數奏賦頌奇文靈帝詔東觀畫彪像以

勸學者文苑陽球奏罷鴻都文學曰今太學東觀足以宣

明聖化願罷鴻都之選以消天下之謗酷吏東觀儒林之

府當講校文藝處定疑難漢時皆名學碩儒乃任其職

吳華後漢東觀藏書之室亦著作之所當時文學之士

使校讎其中故有校書之職唐百官志漢東京圖書悉在東

觀多使名儒碩學入直東觀撰述國史謂之著作東觀

通典

白虎建初四年十一月壬戌詔下太常將大夫博士議
 郎郎官及諸生諸儒會白虎觀講論五經同異使五官
 中郎將魏應承制問侍中淳于恭奏帝親稱制臨決如
 孝宣甘露石渠故事作白虎議奏章紀白虎門名於門立
 觀因以名焉才鴻傳注孝宣會諸儒于石渠章帝集學士於
 白虎蔡邕封事
 長樂靈帝時京兆第五永為督軍御史使督幽州百官
 大會祖餞于長樂觀議郎蔡邕等皆賦詩彪獨作箴臺傳
 鼎中洛陽南宮有承風觀北宮有增喜觀城外有宣陽
 觀千秋鴻地泉城揚威石樓等觀城外有鼎中觀洛陽地記
 洛陽西南洛水上有鼎中觀是成王定鼎處輿地志

迎風閑宮顯敞雲屋皓旰崇景山之高基迎清風而立

觀七啓迎風觀在鄴地理志

總章明帝青龍三年大治洛陽宮築總章觀高十餘丈
 建翔鳳於上四年四月置崇文觀召善屬文者克之魏志
 協律總章之司厚倫正俗崇文成均之職導德齊禮阮

長曲水詩序

白爵太子孫和被廢驃騎將軍朱據尚書僕射屈晃率
 將吏泥頭請闕請和權登白爵觀見甚惡之吳志

鄧明劉曜立大學於長樂宮東簡百姓年二十五已下
 十三已上五百人選朝賢宿儒明經篤學以教之命起
 鄧明觀於西宮起凌烟臺於瀉池晉載記

崇明劉聰時平陽地震崇明觀為池水赤如血赤氣至天赤龍奮迅而去後魏句奴傳

戲馬石虎起靈臺九殿女官十有八等又女妓二千為

鹵簿皆着紫綸巾蜀錦袴金銀縷帶五紋織成靴遊於

戲馬觀輿地志

凌霄太子宣出時石季龍於其後宮升凌霄觀望之笑

曰我家父子如是自非天崩地陷當復何愁但抱子美

孫日為樂耳晉載記

賓遐張駿境內漸平使其將楊宣率眾越流沙伐龜茲

鄯善於是西域並降鄯善王元孟獻女號曰美人立賓

遐觀以處之本傳

通天晉孝武帝講孝經於通天觀僕射謝安侍座尚書

陸納侍講黃門侍郎謝石吏部侍郎袁宏執經丹陽尹

王緄讀句論者榮之通天觀在舊臺城內宋元嘉中

築二十三年更修廣之造景陽樓大壯觀又立鳳光殿

醴泉堂建業宮有迎風觀宋大明起建康宮開簿

摠明明帝泰始六年九月戊寅立摠明觀召學士以充

之置東觀祭酒訪舉各一人學二十人分為儒道文

史陰陽五部學言陰陽者遂無其人南史王謏領東觀祭

酒即明帝所置摠明觀也齊傳

臨滄丹陽秣陵縣所亭隴有遠望樓又名勞勞樓宋改

為臨滄觀行人分別之所輿地志

一柱劉宋臨川王義慶有鎮于羅公洲立觀甚大而惟

一柱渚宮故事經從一柱觀出入三休臺梁劉孝綽詩孤城一柱

觀落日九江秋杜甫詩東京紫微宮有一柱觀唐常述東京雜記

商飈商飈觀在東北十三里籬門亭後亭墩上齊武帝

築九日登以晏群臣建康宮闕簿

明月丹陽郡建康縣臺城齊文惠太子治玄圃有明月

觀婉轉橋徘徊廊圃內作淨名精舍輿地志

東明高祖太和十五年五月議改律令於東明觀親折

疑獄後魏書

崇文周明帝尚學藝內有崇文之觀外重成均之職握

素懷鈇重席之士間出於朝廷員冠方領執經負笈之

士著錄於京邑北史

齊雲陳後主令采木湘洲擬造正寢棧至牛渚磯盡而

沒既而漁人見棧於海上復起齊雲觀國人歌曰齊雲

觀寇來無際畔本紀

紫雲乾封元年正月丁丑兗州置紫雲僊鶴萬歲三觀

封巖非煙重輪三寺舊紀

望僊武宗會昌三年夏五月作望僊觀于禁中紀

王晨王晨觀在紫宸殿後元稹集

高唐昔者楚襄王與宋玉遊於雲夢之臺望高唐之觀

宋玉賦

祈年既表祈年觀復立望仙宮沈休文詩

九觀宮中有臨高陵雲宣曲廣望閣風萬世脩齡總章
聽訟凡九觀皆高十六七丈雲母窻日曜之有光

逸客蜀城有逸客觀華陽國志

客觀南嶺東岩北面有二小山一山有雙石豎立號曰

石門一山孤崖特秀上有客觀陟者遠眺千里華山記

玄珠揚子縣有揚子宮宮中有玄珠觀揚州記

上清上陽宮有上清觀東京雜記

翠觀峽榭迎風秀出中天翠觀岑青彫閣霞連七命

高昌碣以高昌崇觀表以建城峻廬岩峩岑立崔嵬巒

居何平叔賦北看高昌邪睨建城帝仲將景福殿賦

臨春北齊有臨春觀望秋觀

庭

庭堂下至門謂之庭玉海

明庭黃帝接萬靈明庭明庭者甘泉也漢郊祀志

總街湯有總街之庭管子

少庭周王二十三祀庚子朔九州之侯咸格于周王在

鄂昧夾立于少庭周書鄂保解

承明承明金馬著作之庭西都賦

殊庭太初元年十二月甲子朔上親禪高里祠后土臨

勃海將呂望祀蓬萊之屬幾至殊庭焉注師古曰殊庭

蓬萊中仙人庭也郊祀志

商中作建章宮其西則南中數十里如淳曰商中商庭

也師古曰商金也於序在秋故謂西方之庭為商庭上

堂

堂古者為堂自半已前虛之謂堂半已後實之為室堂者當也謂當正向陽之屋海王

九尺禮有以高為貴者天子之堂九尺諸侯七尺大夫

五尺士三尺禮器

九雉天子堂九雉諸侯七雉白子男五雉尚書大傳

縉雲永康縣縉雲堂黃帝鍊丹處宋末初古今山川記

堯舜堂王者之堂墨子稱堯舜堂高三尺儒家以為卑

下假使之然高三尺之堂莫莫生於階下須臨堂察之

乃知爰數夫起視堂下之爰孰與懸日曆於宸坐顧輒

見之論論

學堂王屋縣有孔子學堂西南七里有石室臨大河水

勢湍惠五里之間寂無水聲如似聽義郡國志

講堂齊桓公宮城西門外有講堂齊宣王立此學也故

稱為稷下學宮子如齊盟于稷門此也上臨淄城西門

外有古講堂其柱猶存齊宣王脩文學處也齊地記

通雲海人獻龍膏為燈於燕昭王王坐通雲之堂具燈

拾遺記

黃堂鷄陂之側即春甲君子為假君之殿也後太守居

之以數失火故塗以雌黃遂名黃堂郡國志

遺芬漢武息於延涼室卧夢李夫人授帝蘅蕪之香帝

驚起而香氣猶着衣枕歷月不歇帝彌思涕乃改延涼室為遺芬夢堂拾遺記

上清董偃常卧延清之堂設火齊屏風上

文翁立講堂作石室一曰王堂在城南初堂遇火

史籍立又增二石室華陽國志文翁學堂在城南益州記

靈帝起四百尺觀於阿亭道造萬金堂於西園又

造南宮王堂築廣城苑

承明袁紹抽戈承明注山陽公載記曰紹等入端門遂

於承明堂上格殺中常侍高望等二人本傳

愧賢劉聰嘉平三年廷尉陳元達極諫聰怒將斬之聰

時幸逍遙園夢中堂元達抱堂下樹叫曰臣所言者社

稷之計聰免之於是易李中堂為愧賢堂和苞趙漢記

靖恭李暲於南門外臨水起堂名曰靖恭堂以議朝政

閱武事堂成圖讚自古明王忠臣孝子貞女暲自為序

以明鑒戒文武群寮亦皆圖焉是月白雀翔于靖恭暲

頌之三十國春秋

聖壽聖壽堂石虎造垂玉佩八百大小鏡二萬枚丁香

未為泥油瓦四面垂金鈴一萬枚去鄴三十里羊頭山記

清徽孝文南征還洛引見王公侍臣於清徽堂帝曰此

堂成來未與王公行宴樂之禮今與諸賢欲無高而不

升無小而不入因之流化渠洗煩池次之凝閑堂帝曰

此堂取夫子閑居之義不可縱奢以忘儉自安以忘危

故作堂後作茅茨堂謂李冲曰此東曰步元廡西曰游
凱廡此座雖無堯舜之君卿當無愧元凱冲對曰臣既
遭唐堯之君不敢辭元凱之譽高祖曰光景垂落朕同
宗則有載考之義卿等將出無遠何得默爾德音即命
黃門郎崔光鄴郭雅邢巒崔林等賦詩言志燭至公卿
辭高祖曰在夜載考宗族之義卿等且還朕與詣王宗
室欲成此夜飲魏書又詔延四廟之子下逮元孫之胄申
宗宴於皇信堂令宗室賦詩又會百寮於宣極堂行飲
至策勲之禮上太和十九年十二月甲子見群臣光極
堂紀

前茨柰林南有石碑一所魏明帝所立也題云苗茨之

碑高祖於碑北作苗茨堂永安中年莊帝馬射於華林
園百官皆來讀碑疑苗字誤國子博士李同軌曰魏明
英才世稱三祖公幹宣其羽翼但未知本意如何不
得言誤也楊銜之時為奉朝請因即釋曰以蒿覆之故
言由茨何誤之有衆咸稱善以為得其旨歸洛陽伽藍記
水經云魏文帝茅茨堂前有茅茨碑是黃初中所立
也按銜之魏人親釋苗茨之義道元謂黃初所立誤
王海因之書于漢晉之間亦誤矣

儀賢梁天監六年九月乙亥改閔武堂為德陽堂聽訟
堂為儀賢堂紀

水堂齊文襄於鄴東起山池游觀時俗眩之孝瑜遂於

第作水堂龍舟植幡稍於身上數集諸弟宴射為樂武成幸其第見而悅之故盛興後園之翫於是貴賤慕數慶慶營造北齊

徙堂若干惠事母以孝聞周文帝造射堂新成與諸將晏射惠竊歎曰親老矣何時辦此乎周文聞之即目徙堂於惠宅北史

流霞上元夫人言西王母有天甲之術用之可以遊景雲之宮登流霞之堂漢武內傳

光碧崑崙山有光碧之堂西王母所居十洲記流杯馬泉每年刺史三月上旬於此泉起曲水流杯堂引泉水為袂袂之所臨時構造事竟毀除其流杯堂本

在壘城西襄河記

合歡八姨新起合歡堂翔鴻賀燕無由窺萬金酌工不肯去矜能恃巧猶嗟咨鄭囑津陽門詩魏國夫人即貴妃姊也創一堂價費萬金堂成工人徵價之外更邀賞伎之直復受紅羅五千段工者嗤而不顧魏國訝之問其由工曰其主平之能殫於此矣苟不知信願將蝮蟻蜥蜴蜂蠶之類數其目而投於堂中使有閑隙得七一物即不論工直也於是又以繒綵珍綺與之天下佳人至今語古事者尚以弟行呼諸姨焉注魏國中堂既成召匠汗鏹授二百萬償其值復以金盆二瑟瑟三斗為賞後曾有暴風拔樹委其堂上已而視之畧無所傷既撤瓦以

觀之皆乘以木瓦其制作精緻皆比類也

明皇雜錄

月堂李林甫於正堂後別創一堂襲度彎曲有却月之

形名曰月堂木土秀麗精巧當時莫儔也林甫每欲破

滅人家即入月堂精思極慮喜悅而出必不存焉

傳信記

芸輝元載造芸輝堂于第芸輝香草名也出於閩國其

香潔白如玉入土不朽爛春之為屑以塗其壁故號芸

輝而更以沉香為梁棟金銀為戶牖

杜陽編

綠野裴度時閩豎擅威天子擁虛器搢紳道喪度不復

有經濟意乃治第東都集賢里午橋作別墅具燠館涼

臺號綠野堂激波其下度野服蕭散與白居易劉禹錫

為文章把酒窮晝夜相歡不問人間事

本傳

德星崔郢州武城人崔氏四世總麻同爨兄弟六人

至三品郢郾凡為禮部五吏部再唐興無有也居光

德里架便齋宣宗聞而歎曰郾一門孝友可為士族法

因題曰德星堂後京兆民即其里為德星社

本傳

鏡堂顧彥暉為東門節度使梓州有鏡堂世稱其麗彥

暉嘗會諸將堂上

唐書

遠百里堂上遠於百里門庭遠於萬里今步者一日百

里之情通堂上有事十日而君不聞步者十日千里之

情通堂下有事一月而君不聞步者百日萬里之情通

門庭有事期年而君不聞此謂遠於萬里也

管子

滿堂飲聖人于天下譬如一堂之上也今有滿堂飲酒

者一人獨纍然向隅而泣則一堂之人皆不樂矣說
 則百洛陽宮有則百堂螽斯堂休徵堂延祿堂仁壽堂
 綏福堂含芳堂樂日堂椒華堂芳音堂顯成堂承光堂
 五福堂嘉寧堂堯母堂永光堂長壽堂晉宮名承慶堂昌
 福堂徽音堂嘉德堂宮殿虛德堂脩成堂宮地
 湛露三十六國有琨華堂湛露堂後魏有雲母堂九華
 堂六朝有芳香堂芙蓉堂貞華堂隋有紫霄堂玉華堂
 延祥花光堂芳音堂懷芳堂璧月堂流風崇蘭堂麗景
 堂鮮雲堂

谿堂馬摠為鄆曹濮節度觀察使為堂於其居之西北
 隅號曰谿堂以饗士大夫通上下之志既饗其從事陳

曾乃使來請詩曰公作谿堂播播流水淺有蒲蓮深有
 兼葭公以賓燕其鼓駭駭公燕谿堂賓校醉飽流有跳
 魚岸有集鳥谿有蘆浪有龜有魚公在中流右詩左書

宅

宅宅擇也言擇言處而營之也釋名宅人所託也說文宅亦

曰第言有甲乙之次第也一曰出不由里門面大道者

名曰第爵雖列侯食邑不滿萬戶不得作第其舍在里

中皆不稱第初學記

斲簷趙文子為室斲其椽而斲之張老夕馬而見之曰

天子之室斲其椽而斲之加密石焉諸侯斲之大夫斲

之士首之備其物義也從其等禮也今子貴而忘義富而忘禮吾懼不免文子歸令之勿斲也匠人請皆斲之文子曰止為後世之見之也其斲者仁者之為也其斲者不仁者之為也

晉語

輪奐晉獻文子成室晉大夫發焉張老曰美哉輪焉美哉奐焉歌於斯哭於斯聚國族於斯是全要領以從先大夫於九京也北面再拜稽首君子謂之善頌善禱

禮檀弓

美室宋向戌來聘見孟獻子尤其室曰子有令聞而美其室非所望也對曰我在晉吾兄為之毀之重勞且不敢間

襄十

五

爽塏初景公欲更晏子之宅曰子之宅近市湫隘蹶蹙不可以居請更諸爽塏者辭曰君之先臣容焉臣不足以嗣之於臣侈矣且小人近市朝夕得所求小人之利也敢煩里旅及晏子如晉公更其宅反則成矣既拜乃毀之而為里室皆如其舊則使宅人反之且諺曰非宅是卜唯鄰是卜二三子先卜鄰矣違卜不祥君子不犯非禮小人不犯不祥古之制也吾敢違諸乎卒復其舊

宅左昭

東益哀公問於孔子曰寡人聞東益宅不祥信有之乎孔子曰不祥有五而東益不與焉夫損人而自益身之不祥也棄老而取幼家之不祥也擇賢而任不肖國之

天口言

卷四

五

不祥也老者不教幼者不學俗之不祥也聖人伏匿愚者擅權天下不祥也不祥有五東益不與焉家語西益哀公欲西益宅史爭之以為西益宅不祥哀公作色而怒左右數諫不聽乃以問其傅宰折睢曰吾欲益宅而史以為不祥子以為何如宰折睢曰天下有三不祥西益宅不與焉哀公大說而喜頃復周曰何謂三不祥對曰不行禮義一不祥也嗜慾無止二不祥也不聽強諫三不祥也哀公默然深念憤然自反遂不西益宅淮南門風俗通曰宅不西益俗說西者為上上益宅者妨家長也原其所以西益者禮記曰南向北向西方為上爾雅曰西南隅謂之奧尊長之處也不西益者恐動搖

之耳審西益有害增廣三面豈能獨吉乎

土木勝人知襄子為室美士茁夕焉知伯曰室美夫對曰美則美矣抑臣亦有懼也志有之曰高山峻原不生草木松柏之地其土不肥今土木勝臣懼其不安人也室成三年而知氏亡晉語

木生高陽雕將為室問匠人匠人對曰未可也木尚生加塗其上必將撓以生材任重塗今雖成後必敗高陽雕曰不然夫木枯則益勁塗乾則益輕以勁材任輕塗今雖惡後必善匠人窮於辭無以對受令而為室其始成均然善也而後果敗淮南

開第齊威王養士稷門之下自淳于髡以下七十餘人

高者為列大夫為開第康莊之衢高門大屋尊寵之史記

窮僻蕭何買田宅必居窮僻處為家不治垣屋曰令後

世賢師吾儉不賢毋為勢家所奪傳本

北第漢書曰夏侯嬰以太僕事惠帝惠帝及高后德嬰

之脫孝惠魯元於下邑間也乃賜嬰北第第一曰近我

以尊異之師古曰北第者近北闕之第故張衡西京賦

云北闕甲第當道直啓

壞孔子宅魯恭王初好治宮室壞孔子舊宅以廣其宮

聞鐘磬琴瑟之聲遂不敢復壞於其壁中得古文經傳

漢本傳

傳舍平恩侯許伯入第蓋寬饒賀之酒酣仰屋而嘆曰

美哉然富貴無常忽則易人此如傳舍所閱多矣惟謹

慎為能久君侯可不戒哉傳本

治第霍去病為票騎將軍上為治第令視之對曰匈奴

不滅無以家為也由此上益重愛之前漢

膏腴田蚡為丞相嘗請考工地欲以益宅上怒曰何不

遂取武庫治宅甲諸第田園極膏腴前堂羅鐘鼓立曲

旃後房婦女以百數上

塞咎董宣為北海太守大姓公孫舟造起大宅工占之

曰宅當出一喪舟使子取行人殺之以塞咎宣收舟考

殺之陳留耆舊傳

對宇襄陽城東南有白沙曲龐士元居漢之陰司馬德

中記

操宅洲之陽隔魚梁洲望衡對宇懽情自接每至相思
則寒棠涉水豈待還桂施於千里貢深心於永思哉

與地

表閭晉末興中鎮南將軍劉弘至隆中觀亮故宅立碣
表閭命太傅掾犍為李興為文

蜀記

與兄裴楷營新宅基宇甚麗當移住與兄共遊行牀帳

儼然櫺軒踈朗兄心甚願之而口不言楷心知其意便

使兄住別傳楷嘗營別宅從見衍見而悅之即以宅與衍

書

起宅太過王濬字士治恢廓有大志嘗起宅開門前路
廣數十步人或謂之何太過濬曰吾欲使長戟長戟幡旗

衆咸笑之濬曰陳勝有言燕雀安知鴻鵠之志

書

宅相魏舒字陽元幼喪父母為外祖甯氏所養甯氏起

宅相者云當出貴外甥祖父母以魏氏甥小而慧意謂

應之舒荅曰當為外家成此宅相

書

侵併廷尉張閭住在小市將奪左右近宅以廣其居乃

私作都門早閉晏開人多患之訟於州府皆不見省會

賀循出至破岡連名詣循質之循曰見張廷尉當為言

及之閭聞而遽毀其門詣循致謝

上

草屋孔愉為會稽內史在郡三年營山陰湖南侯山下

數畝地為宅草屋數間便弃官居之送資數百萬悉無

所取

上

為營桓玄得志常欲以謝安宅為營謝混曰邵伯之仁猶惠及甘棠文靜之德更不保五畝宅耶玄聞慙而止

鬼營檀道濟居清溪第二見夜忽見人來縛已欲呼不得至曉乃解猶見繩痕在此宅先是吳將步闡所居諺

青是鬼營青溪青揚是也自步及檀皆被誅

建業大社西空地東吳時右司馬丁奉宅孫皓殺

之流徙其家晉元帝初為僕射周顛宅顛為王敦所害

後為冠軍蘇峻宅峻反被誅後為袁悅宅為會稽王道

子所親昵緣道子見殺又為章武王司馬秀宅亦以凶

終宋孝武時為雍州刺史臧燾宅質反被殺故世稱凶

地宋吏部尚書王僧綽嘗謂宅無吉凶請以為第始造

未及居為元兇劭所殺宋書南史

笑拙顏延之峻既貴重權傾一朝凡所資供延之無所

受器服不敢宅宇如舊見峻起宅謂曰善為之無令後

人笑汝拙也本傳

末年孝文因行樂至司空府南見邢巒宅遣使謂巒曰

朝行樂至此見卿宅乃住東望德館情有依然巒對曰

陛下移構中原方建無窮之業臣意在於魏昇降寧容

不務末年之宅帝謂司空穆亮僕射李冲曰巒之此言

其意不小也魏君

買宅呂僧珍舊宅在市北前有督郵廨鄉人咸勸徙廨

以益其宅僧珍怒曰豈可徙官解以益私宅乎宋季雅
罷南康郡市宅居僧珍宅側僧珍問宅價曰一千一百
萬恠其貴季雅曰一百萬買宅千萬買鄰史岳
賣宅崔慰祖賣宅須四十五萬買者曰寧有減不答曰
誠異韓休伯何容二價買者曰君但賣四十六萬一萬
見與慰祖曰是豈我心乎上

望氣長流解西有梁曹儀同景宗柳儀同慶遠常儀同
叡諸宅並相憐次郭城西門常叡少時有南陽人蔡那
善望氣相叡宅應出三公刺史貴不可言時叡宅上有
草房十間那宅在城南悉是瓦屋求叡換宅疑而不許
叡兩兄闡纂有令聞位望在叡之右鄉里謂此人應班

槐棘其後闡纂相繼而終叡奉龍飛遂成宅相簡文徵
書既至遊此宅望氣之言殆有徵矣襄沔記

逆旅舍徐勉戒子書曰吾清明門宅西邊既施宣武寺
不復方幅意謂亦逆旅舍耳何事須華常怪時人謂是

我宅古往今來豪貴繼踵死其死矣定是誰室梁書

同傳舍易固字敬安元魏世宗末中尉王顯起宅既

集僚屬宴酒酣問固曰此宅何如固曰晏嬰秋隘流

稱於今豐屋生災著于周易此蓋同傳舍耳惟有德能

卒願公勉之顯嘿然北史

高壯王椿字元壽叡子也於宅構起廳事極為高壯時
人忽云此乃太原王宅豈是王太原宅椿往為本郡世

皆呼為王太原未幾爾朱榮居椿之宅榮封太原王焉

魏書恩律傳廣營柳曼宇文護執政廣營第宅嘗召曼至宅訪以政

事曼仰視其堂徐而嘆曰酣酒嗜音峻宇雕墻有一於

此未或不亡護不悅有識者以為知言史北

宅怪長安待賢坊隋北領軍大將軍史萬歲宅其宅初

有鬼怪居者輒死萬歲不信因即居之夜見人衣冠甚

偉來就萬歲萬歲問其由曰我漢將軍樊噲墓近君居

廁常苦穢惡幸移他所必當厚報萬歲許諾因詰殺生

人所由曰各自怖而死非我殺也及掘得骸柩因為改

葬後夜又來謝曰君當為將吾必助君後萬歲為隋將

每遇賊便覺鬼兵助已戰必大捷

兩京記

宜人東京宜人坊其半本隋齊王暉宅煬帝愛子初欲

書坊為宅帝問宇文凱曰里名謂何凱曰里名宜人帝

曰既號宜人柰何無人可以半為王宅上

髡柳延壽坊東隅駙馬裴巽宅高祖末裴行儉居之自

行儉以前居者輒死自儉卜居有狂魯突人髡其庭中

大柳樹中有豕走出徑入北隣其家數日暴死盡此宅

清宴上

辭第隋煬帝在藩舊宅武德中賜尚書左僕射蕭瑀西

為園後瑀子銳尚襄城公主詔別營主第主辭以始婦

異居有乖禮則因固陳請乃取園地充主第又辭公主

天中記

蔡戟不欲異門乃併施瑀之院門長安志

輟材魏徵當朝重臣也所居室宇卑陋太宗欲為營築

輒謙讓不受洎徵寢疾太宗將營小殿遂輟其材為造

正堂五日而就開死中此堂猶在家人不謹遺火焚之

子孫哭臨三日朝士皆赴吊封氏聞見記後裔孫暮相宣宗

居舊第焉長安志

避惡名明教坊龍興觀西南隅開府宋璟宅南門之東

國子司業崔融宅璟造宅悉東西相對不為斜曲以避

惡名融為射天哀策用忍精苦下直馬過其門不覺文

就而卒兩京記

相梁宗楚客造一宅新成皆香和紅粉

以泥壁開門則香氣蓬勃磨文石為階砌及地着吉奠

靴者行則仰仆楚客被逮昌王推得賍萬餘貫兄弟配

流太平公主就其宅看嘆曰觀其行坐處我等虛生浪

死一年迫入為鳳閣侍郎景龍中為中書令常氏之敗

被誅朝野載

崇麗則天以後王侯妃主京城第宅日加崇麗至天寶

中御史大夫王鉞有罪賜死縣官簿錄鉞太平坊宅數

日不能遍宅內有自雨亭從簷上飛流四注當夏處之

凜若高秋又有寶鈿井欄不知其價他物稱是封氏見

宅氣浮圖泓與張說置求樂東南第一宅有求巷者戒

曰此宅西北隅最是王地慎勿於此取土越月泓又至

謂燕公曰此宅氣候忽然索漠甚必恐有取土於西北隅者公與泓偕行至宅西北隅果有取土坑三數坑皆深丈餘泓大驚曰禍事令公富貴一身而已更二十年外諸郎君皆不得天年燕公大駭曰填之可乎泓曰客土無氣與地脉不相連今欲填之亦猶人有瘡疔縱以他肉補之終無益也燕公子均均皆為祿山委任克復後均賜死均長流之常侍言肯

奪宅貴妃姊虢國夫人恩傾一時大治第宅棟宇之盛世無與其比所居本常嗣立舊宅常氏諸子亭午方偃息於堂廡間忽見一婦人衣黃披衫降自步輦有侍婢數十笑語自若謂常氏諸子曰聞此宅欲貨其價幾

常氏降階言曰先人舊廬所未忍捨語未畢有工人數百登兩廂掘其瓦木常氏諸子既不能制乃率家童挈其琴書委於衢路而自嘆曰不才無為勢家所奪古人之戒將見於今日乎而與常氏隙地十畝餘其他無所酬明皇雜錄

勝絕崇仁坊西南隅長寧公主宅既承恩盛加雕飾朱樓綺閣一時勝絕又有山池別院山谷虧蔽勢石自然中宗及常庶人數遊於此第留連彌日賦詩飲宴上官昭容操翰於亭子柱上寫之常氏敗公主隨夫為外宮初欲出賣木石當二千萬山池別巧仍不為數遂奏為觀詞人名士竟入遊賞兩京記

王盞浮圖泓云長安永寧坊東南是金盞地安邑里西是王盞地後末寧為王太傅鐸地安邑為馬比平燧地後王馬皆進入官王宅累賜韓令弘及史憲誠李戴義等所謂金盞破而成焉馬燧為奉誠園所謂王盞破而不完也傳李吉甫宅泓師謂其地形為玉杯牛僧孺宅為金杯云玉杯一破無復全金杯或傷重可完僧孺宅在新昌里本天寶中將作大匠康詵宅詵自辨圖阜以其地當出宰相每命相詵必引頸望之宅卒為僧孺所得吉甫宅至德裕貶其家滅矣盧氏雜說萬花谷引傳載以為僧一行誤又云桑道茂號長安公卿宅有金盃王盞之號

木妖大曆十四年七月毀元載馬璘劉忠翼之第白天寶中京師堂寢已極宏麗而第宅未甚逾制然衛國公李靖廟已為嬖人楊氏廐矣及安史二逆之後大臣宿將競崇棟宇無界限力窮乃止人謂之木妖而馬璘之堂尤盛計錢二十萬貫他室稱是璘卒於軍以喪歸京師士庶欲觀之假名於故吏投刺會吊者數十百人故命撤毀之自是京師樓榭之踰制者皆毀德宗實錄肅宗時京都第宅屢經殘毀代宗即位宰輔及朝士當權者爭脩第舍頗為煩弊議者以為土木之妖無何皆易其主矣封氏聞見記脩築郭子儀所居宅內諸院往來乘車馬僮客于大門

出入各不相識詞人梁鯉嘗賦詩云堂高憑上望宅廣
 乘車行蓋此之謂郭令曾將出見脩宅者謂曰好築此
 墻勿令不牢築者什鍾而對曰數十年來京城達官家
 墻皆是其所築祇見人自改換墻今見在郭令聞之愴
 然動心遂入奏其事因固請老封氏見
 鬻業蕭復字履初為太子僕廣德中連歲不稔穀價翔
 貴家貧將鬻昭應別業時宰相王縉聞其林泉之美心
 欲之乃使弟紘誘焉曰足下之才固宜居右職如以別
 業奉家兄當以要地處矣復對曰僕以家貧而鬻舊業
 將以拯濟孀幼耳儻以易美職於身令門內凍餒非鄙
 夫之心也縉憾之乃罷復官沉廢數年復處之自若舊唐書

儉德舊唐書韓滉性拊節儉居處薄陋才蔽風雨弟泐嘗于里
 宅增脩節宇滉自江南至即命撤去之曰先公容焉吾
 輩奉之常恐失墜所有摧圯葺之則已豈敢改作以傷
 儉德

履道白樂天得楊憑宅竹木池館有林泉之致因為池
 上篇曰都門風木土木之勝在東南東南之勝在履道
 里其它有池水可泛舟樂天每命賓客繞船以百十油
 囊沉水中隨船而行一物盡則左右又取之藏盤筵于
 水底也宋景文鷄駢及窮幽記

不奉權臣楊損家新昌里與路巖第接巖方為相欲易
 其廡以廣第損族仕者千餘人議曰家世盛衰係權者

喜怒不可拒損曰今尺寸土皆先人舊貲非吾等所有
安可奉權臣耶窮達命也卒不與唐書

居寢鬱然楊行密嘗在楚州登城見三茂章營第曰天
下未定而茂章居寢鬱然渠肯為我忘身乎茂章遽毀
損上

宅泣顧全武於越中廣搜棟橈建宅甚宏壯畢工之際
梁棟皆出水戶牖漬濕竟不得入斯屋而卒人謂之宅

泣錄 葦光

侵居楊玠仕蜀至顯官隨王衍歸後唐以老致仕歸長
安舊居多為鄰里侵占子弟欲詣府訴其事玠批狀尾
云四隣侵我我從伊畢竟湏思未有時試上含元殿基

望秋風衰草正離離子弟不敢復言談元

華麗孟知祥至蜀時魏王繼岌滅王衍尚駐於府舍知
祥乃館於徐延瑒之第延瑒即衍之舅衍嘗幸其第悅
其華麗於壁上書孟字以戲之蓋蜀中以孟為不任故
也延瑒以紅紗籠之知祥見而笑曰踈狂霸豎亦預知

與我為代知我居此耶蜀構

三不得宋神宗時丞相陳升之治第於潤州極為宏壯
綿亘數百步宅成升之已疾甚唯有興一登西樓而已
人謂之三不得居不得賣不得修不得筆談

兩枝梁理宗時丞相崔與之歸蜀建第甚麗里有豪商
李姓者亦從而效之即用崔府匠人規制落成崔往觀

之歸召匠問曰汝與某建宅固佳但少兩枝梁耳匠曰
 此一依相府規模者崔曰一枝是沒思量一枝是沒酌
 量當時以資談笑夷野續志
 四事人之有宅東閣延賢南軒引景北牖招風西櫺映
 月主人端居中雷以收四事之用焉蕭琛論
 宅宜凡宅東下西高富貴雄豪前高後下絕無門戶後
 高前下多有牛馬凡宅地欲平坦名曰梁地後高前下
 名曰晉地居之並吉南高北下名曰魯土居之富貴當
 出賢人前高後下名曰楚土居之凶四面高中央下名
 曰衛土居之先富後貧經
 宅無吉凶設為三公之宅而命愚人居之必不為三公

可知也夫壽天之不可求甚於貴賤然則擇百年之宮
 而望殤子之壽處孤另地以速彭祖之夭必不幾矣然
 則果無宅也是性命自然不可求矣嵇康論

亭

停集亭停也人所停集也釋名

寓望春秋國語有寓望謂今亭也民所安定也亭有樓
 從高省丁聲也漢家因秦大率十里一亭亭留也今語
 有亭待蓋行旅宿食之所館也亭亦平也民有訟諍吏
 留辨處勿失其正也風俗通

萬歲武帝元封元年幸緱氏登太室聞山呼萬歲聲者
 三故立萬歲亭漢書曲城齊城東有萬歲水水北有萬歲

亭三齊夏門亭長注洛陽北面西頭門外有萬壽亭後

千秋建武元年四月行至鄠命有司設壇場於鄠南千

秋亭五成陌光武紀常山國高邑故鄠光武更名郡國志惟

元康二年三月壬寅弱子生五月之長安壬寅次于新

安之千秋亭甲辰而弱子夭乙巳壅于亭東潘岳傷亭

有千秋之號子無七旬之期西征賦謝靈運與王弘之諸

人出千秋亭飲酒保身大呼孟顛深不堪遣信相聞靈

運大怒曰身自大呼何關癡人事南史

雒陽巡守獵還公卿以下陳雒陽亭前街上乘輿到公

卿以下拜天子下車公卿識顏色然後還宮獨洛陽二

十四街街一亭十二城門門一亭漢官典職十里一亭一亭十

一鄉漢百官志十里一亭有亭長亭後五里一郵郵相去二

里半司姦盜亭長持更板以劾賊索繩以執賊後百官志十

里五里長亭短亭言十里一長亭五里一短亭帖

無萋王郎起光武自薊東南馳晨夜草舍至饒陽蕪萋

亭時天寒烈眾皆飢疲馮異上豆粥本傳

鵲巢蒼梧廣信女子蘇娥行宿高安鵲巢亭為亭長龔

壽所殺及婢致富取其財物埋致樓下交阻刺史周敞

行部宿亭覺壽姦罪奏之殺壽謝承後漢書列異傳云鵲奔

亭搜神記方掘其戶時有雙鵲來奔其亭故名鵲奔文

選江淹書鴻亭之鬼無恨於灰骨

天中記 卷十四 里

冠蓋襄陽南二十里冠蓋山下有冠蓋亭後漢靈帝末
天下大亂嘗有去官及見居職四郡守七都尉二卿兩
侍中一黃門二侍郎三尚書六刺史二十長史劉表以
其豪盛乃題其山道口亭刊石銘之曰峨峨南岳烈烈
離明寔敷俊乂君子以生唯此君子作漢之英德為龍
光聲化鶴鳴此碑永嘉中為人毀壞圖經
隴亭楚擘為天水太守之官與故太守喪會於隴亭堂
吏移喪避擘擘讓坐於正堂關西稱之張璠漢記
夕陽董卓得何進私召將兵入朝又以脅太后太后使
諫議大夫种邵宣召止之卓不受使其軍士以兵脅邵
邵怒稱詔叱之軍士皆披遂前質責卓卓辭屈乃還軍

夕陽亭

通鑑

武帝以賈充鎮關中將之鎮百寮餞于夕陽

亭

思賢徐孺子墓在郡南十四里曰白杜亭吳嘉禾中太
守長沙徐熙於墓遂種松太守南陽謝景於墓側立碑
水安中太守梁夏侯嵩於碑邊立思賢亭松碑亭今並
在松大合抱亭世世脩治至今謂之謝君亭豫章記
白樓江夏太守宋輔於重山南白樓亭立學教授沛國
桓儼避地至會稽聞陳業賢而往候之不見臨去入交
州留書繫白樓亭柱而別會稽記重山西大夫文種之所
葬也山上有白樓亭亭本山下縣令殷朗移置今處沛
國桓儼避地會稽聞陳業履行高潔往候不見儼後淨

海南入交州臨去遺書與業不因行李繫白樓亭住而

去升陟遠望山湖滿日也水經注孫興公許玄度共在白

樓亭共商略先往名達林公既非所關聽訖云二賢故

自有才情世說亭在山陰臨流映壑也會稽記

新亭過江諸人每至羨日輒相邀新亭藉卉飲宴周侯

中坐而嘆曰風景不殊正自有山河之異皆相視流淚

唯王丞相愀然變色曰當共勳力王室克復神州何至

作楚囚相對泣耶世說簡文帝崩桓温入赴山陵晉書止新

亭大陳兵衛將移晋室呼安及王坦之欲去坐害之文章

志王甚遽問謝曰當作何計謝神意不變謂文度曰晋

祚存亡在此一行相與俱前王之恐狀轉見於色謝之

寬容愈表於貌世說舉目徧歷温左右衛士謂温曰安

諸侯有道守在四鄰明公何有壁間著阿堵輩温笑曰

正自不能不爾於是矜莊之心頓盡命部左右促燕行

觴笑語移日文章志王謝舊齊名於此始判優劣世說

冶亭袁宏字彥伯謝安賞其機捷辯速自吏部郎出為

東陽郡乃祖之於冶亭時賢皆集安欲卒迫試之執手

將別顧左右取一扇而贈之宏應聲答曰輒當奉揚仁

風慰彼黎庶合坐歎其要捷續晉陽秋

征虜支道林還東時賢並送於征虜亭蔡子叔前至坐

近林公謝萬石後來坐小遠蔡暫起謝移就其處蔡還

見謝在焉因合褥舉謝擲地自復坐謝冠幘傾脫乃徐

起振衣就席神意甚平不覺瞋沮坐定謂蔡曰卿奇人
 殆壞我面蔡荅曰我本不為卿面作計其後二人俱不
 介意世說京師三亭新亭吳舊亭也故基淪敗隆安中丹
 陽尹司馬恢移創今地謝石創征虜亭三吳縉紳創冶
 亭並太元中丹陽記

錢唐褚公於章安令遷太尉記室叅軍名字已顯而位
 微人未多識公東出乘估客船送故吏數人投錢唐亭
 任爾時吳興沈充為縣令當送客過浙江客出亭吏驅
 公移牛屋下潮水至沈令起彷徨問牛屋中是何物人
 吏云昨有一儉父來寄亭中有尊貴客權移之令有酒
 色因遥問儉父欲食甃不姓何等可共語褚因舉手答

曰河南褚季野遠近久承公名令於是大遽不敢移公
 便於牛屋下脩刺請公更宰殺為饌具於公前鞭撻亭
 吏欲以謝慙公與之酌宴言色無異狀如不覺令送公
 至界世說

金昌楮太傅初渡江嘗入東至金昌亭吳中豪右燕集
 亭中楮公雖素有重名于時造次不相識別敕左右多
 與茗汁少著粽汁盡輒益使終不得食楮公飲訖徐舉
 手共語云楮季野於是四坐譙散無不狼狽世說孔甯子
 與王華並有富貴之願自徐羨之等秉權日夜構之於
 太祖甯子嘗東歸至金昌亭左右欲泊舡甯子命去之
 曰此弑君亭不可泊也宋書羨之等謀廢少帝出于吳郡



使中書舍人邢安泰弒帝于金昌亭紀余尋師求入經

吳行達昌門忽覩斯亭傍川帶河其榜題曰金昌訪之

耆老曰昔朱買臣仕漢還為會稽內史逢其迎吏逆旅

北舍與買臣爭席買臣出其印綬群吏慚服自裁因事

建亭號曰金傷失其字義耳謝歌金昌亭詩叙

蘭亭王羲之初渡江會稽有佳山水名士多居之與孫

綽許詢謝尚支遁等宴集於山陰之蘭亭王隱晉書湖口有

亭號曰蘭亭亦曰蘭上里太守王羲之謝安兄弟數往

造焉吳都太守謝勗封蘭亭侯蓋取此亭以為封號也

太守王廙之移亭在水中晉司空何無忌之臨郡也起

亭於山椒極高盡眺矣水經注

神告徐苗字叔胄高密淳于人也曾祖祖至行感靈

有神人告亭欲崩苗出亭崩得免王隱晉書

風亭徐湛之為廣陵郡守善為政威惠並行廣陵城舊

有高樓湛之更加脩整更加風亭月觀吹臺琴室果竹

繁茂花藥成行宋書

夢謝白樂天詩夢謝亭古傳名謝歌妓樓新道姓蘇杭

州靈隱寺山上有一謝亭即杜明浦夢謝靈運之所因

名客見也本集謝靈運會稽人世不宜子息乃於錢唐杜

明師舍寄養師是夜夢有賢人相訪及曉乃靈運至後

因以名亭類要殊

九曲景龍三年九月壬戌幸九曲亭宴侍臣學士唐書

臨渭四年三月甲寅幸臨渭亭脩禊飲上

含象開元中拜張說等十八人為學士於東都上陽宮

含象亭圖寫御贊述之翰林 鑑事

沈香玄宗坐沈香亭意有所感欲得李白為樂章召入

而白已醉左右以水頰面稍解援筆成清平調三章婉

麗精切末章云解釋春風無限恨沉香亭北倚闌干唐書

松憲 雜錄長慶四年敬宗初嗣位九月丁未波斯太商李蘇

沙進沉香亭子材拾遺李漢諫云沉香為亭子不異瑤

臺瓊室上怒優容之紀 舊

振旅天寶八載于開遠門外作振旅亭以待兵還譚實 錄

白雲太白山有隱士郭休字退夫有運氣絕粒之術於

山中建茅屋百餘間有白雲亭鍊丹洞注易亭修真亭

朝玄壇集神閣每於白雲亭與賓客看山禽野獸即以

槌擊一鐵片子其聲清響山中鳥獸聞之集於亭下呼

為喚鐵天寶 遺事白雲亭在縣西南旁對干越亭而峙馬跨

古城之危瞰長江之深隋州刺史劉長卿題詩曰孤城

上與白雲齊因以白雲為名鄱陽 記

三癸代宗時顏真卿由吉州司馬遷撫胡二州刺史於

烏程杼山立三癸亭時癸年癸月癸日故名

望春代宗嘉誠公主貞元元年下嫁魏博節度使田緒

德宗幸望春亭臨餞新唐書南北望春亭在禁苑東南高原

之上長安 志

太液大和四年七月文宗於太液亭召翰林學士鄭覃
已下對賜錦綵實錄元稹詩網索兩館太液池注網索在
太液上學士候對於此

彩霞文宗太和九年二月發神策軍一千五百人修淘
曲江如諸司有力要於曲江置亭館者宜給與閑地七
月敕造紫雲樓彩霞亭於曲江芙蓉園北垣十月內出
曲江新造紫雲樓彩霞亭額左軍使長以百戲下銀
臺門迎之時鄭注言秦中有災宜興土功馱之乃濬昆
明曲江二池上好為詩每歸杜甫曲江行云江頭宮殿
鑠千門細柳新蒲為誰綠乃知天寶已前曲江四岸皆
有行宮臺殿百司解署思復昇平故事故為樓殿以壯

之舊紀
會要

合璧事類引孔帖云天寶時詔兩神策治曲江昆明
作彩霞亭詔公卿得列舍堤上鄭若庸類雋引天寶
遺事天寶時云俱誤

精思李德裕所居安邑里第有院號起草亭曰精思每
計大事則處其中雖左右侍御不得豫本傳
含春宣宗召學士令狐綯夜對含春亭燭盡以金蓮華
炬送歸院統志本傳止云夜對禁中

白檀李絳子璋為宣州觀察使楊牧造白檀香亭子初
成會親賓觀之先是璋潛遣人度其廣袤織成地毯其
日獻之及牧敗璋亦從坐杜陽編

休休司空圖本居中條山上官谷有先人田遂隱不出
 作亭觀素室悉圖唐興節士文人名亭曰休休作文以
 見志曰休美也既休而美其故量才一宜休瑞入二宜
 休耄而蹟三宜休又少也情長也率老也迺三者非齊
 時用則又宜休因自目為耐辱居士唐新
 半隱王龜字大年常以光福第賓客多更住永達里林
 木窮僻構半隱亭以自適唐書
 野春武陵儒生苗彤事園池以接賓客有野春亭者雜
 植山花五色錯列清異錄
 大繪昭州瘴毒地面山水頗清婉郡圃有亭名大繪郡
 守李丕以同金年號欲更之有范滋者為易名清暉后

李視積壤中有片石載丘濬所作記畧云子擇勝地得
 此亭名曰天繪取其景物自然也後某年月日當有俗
 子易名清暉者可為一笑考命名之日不差夷堅志
 草玄陽雄宅後置寶園寺今為宮亭有墨池在焉成都記
 子雲南陽諸葛廬西蜀子雲亭孔子云何陋之有劉禹錫陋室銘
 勞勞江寧縣南十五里有勞勞亭古送別之所太白詩
 金陵勞勞送客堂蔓草離離生道傍古情不盡東流水
 此地悲風愁白楊本集新亭隴有遠望樓一名勞勞樓
 為臨滄觀輿地志
 故人梁柳惲詩汀洲採白蘋日晚江南春洞庭有歸客

瀟湘逢故人後因於瀟湘水合處立故人亭

千越饒州餘于縣有千越亭前瞰琵琶洲後枕思禪寺
林麓森鬱千峯競秀張枯題云扁舟亭下駐煙波十五
年遊從此過洲背露沙人渡淺風稍藏竹鳥啼多層欄
漲水痕猶在古板題詩字已訛况是高林正圓月可堪

聞聽異鄉歌文公談苑

迎春飛霜殿前日悄悄迎春亭下風颼颼鄭愚津陽門詩

四亭願山有四亭曰綠陰曰西陽曰弄雲曰卧龍陸希聲

錄山

浣花浣花亭臨大江鼈靈檻池成都記

稽亭稽亭北瞰大江南望高岳淹留遠客因以為名焉

澤陽記

閩風潤州覆舟山有閩風亭郡國志

金谷東都苑內有金谷亭凝碧池兩京新記

九洲東京上陽宮有曜掌亭九洲亭上

三京樂城縣三京亭此亭是祖送行人之所未嘉記

三楓韶州潼溪里有三楓亭郡國志

駕霄張鎡字功甫張循王諸孫也園池聲妓服玩之麗

甲天下嘗于南湖園作駕霄亭於四古松間以巨鉄絙

懸之空半當風月清夜與客梯登之飄搖雲表

折疊宋理宗時禁苑漸頽賞荷池宴但張蓋設屏宸於

烈日中董宋臣默會意不日而成一亭于池傍再宴上

天中記

卷十四

五十三

大喜未幾冬月賞梅園又有一亭上意不樂諭宋臣曰前造荷亭朕不為較今復有此半年之間勞民動衆如此宋臣曰此梅亭即前之荷亭也上問其故對曰此乃拆卸摺疊之亭上愈稱賞之

積功序為積功民所成也夢築亭者功積成也夢序壞

敗恩澤傷也夢

慈亭河南密縣有慈亭急也从弦从心文說

惴亭琅邪朱虛有惴亭惟也

揚蒹沛城父有揚蒹亭草多葉貌

結埼鄆有結埼亭師古曰結音結蚌也長一丈廣三分

有一小蟹在其腹中埼曲岸也其中多結故以名亭漢志

大亭慈溪縣左尉廨築方丈室云大亭其北有老尉埔

地志

館

館館客舍也待賓之舍曰館桂凡事之賓客館焉舍也

有積以待朝聘之官是也客舍逆旅名候館也公館也

公宮者公所為也私館者自卿大夫以下之家開元文字

大庭黃帝於是放萬機舍官寢去直待徹鐘懸滅厨膳

退而間居大庭之館齊心服形三月不親政事晝寢而

夢遊於華胥氏之國子列

授館單襄公聘于宋假道于陳司里不授館國無寄寓

縣無施舍單子歸告定王曰陳侯必有大咎周制有之

天中記

卷四

五

曰國有郊牧置有寓望周之職官有之曰敵國賓至候人為導卿出郊勞司里授館周語

重館晉分曹衛之田公使臧文仲往宿於重館重館人

曰晉新得諸侯必親其共不速行將無及也左傳三十一

大館叔弓聘于晉晉侯使郊勞辭致館辭曰寡君命下

臣來繼舊好好合使成臣之祿也敢辱大館左昭二

葺館叔孫婁如晉晉人執之先歸邾子上伯曰以芻蕘

之難從者之病將館于於都叔孫且而立期焉乃館諸

箕吏人之與叔孫居于箕者請其吠犬弗與及將歸殺

而與之食之叔孫所館者雖一日必葺其墻屋去之如

始至昭三十一

築館戰國策曰燕昭王見郭隗乃築館而師之樂毅

衍劇辛皆爭走燕遂以破齊藝文類聚今本館作宮

祠韓惠帝時有道士韓稚來自東海退莫知其所之帝

使立仙壇於長安城北名曰祠韓館拾遺記

忘憂梁孝王遊於忘憂之館集諸遊士各使為賦西京雜記

飛廉元鼎大年冬公孫卿候神河南言見僊人迹緱氏

城可為館如緱氏城置脯棗神人宜可致且僊人好樓

居於是上令長安作飛廉桂館其泉則作益壽延壽館

使卿持節設具而候神人乃作通天臺置祠具其下將

招徠神僊之屬郊祀志

平樂元封六年夏京師民觀角抵于上林平樂館武技紀

臯上書北闕詔使賦平樂館上善之

傳本

董偃常從馳逐

平樂

方朔傳

禹山走馬馳逐平樂館

霍光傳

三館公孫弘起徒步數十年至宰相封侯於是起客館

開東閣以延賢人與參謀議弘身食一肉脫粟之飯故

人賓客仰衣食俸祿皆以給之家無所餘弘年八十終

後李蔡嚴青翟趙周石慶公孫賀劉屈氂繼踵為丞相

客館丘墟而已至賀屈氂時壞已為馬廐車庫奴婢

大書

平津侯自以布衣為宰相乃開東閣營客館以

招天下之士其一曰欽賢館以待太賢次曰翹材館以

待大才次曰接士館以待國士其有德任毗贊佐理陰

陽者處欽賢之館其有才堪九烈將軍二千石者居翹

材之館其有一介之善一方之藝居接士之館而躬自

菲薄所得俸祿以奉待之

西京雜記

賢良曰公孫丞相倪大

夫分祿以養賢卑已以下士功業顯立無行人子產之

繼而葛繹彭侯之等墮壞其緒紕亂其紀毀其客館議

堂以為馬廐掃舍

益錄救慶

高靈上自封禪後夢高祖坐明堂群臣亦夢想於是祀

高祖於明堂以配天還作高靈館

三輔故事

昭靈霍光夫人顯改光時所自造瑩制而侈大之北臨

昭靈南出承恩

本傳

雲林霍后廢處昭臺宮後十二歲徙雲林館廼自殺

白鶴初元三年茂陵白鶴館災詔曰廼者火災降於孝

射熊永光五年冬幸長楊宮射熊館有車騎大獵紀元是時農民不得收歛楊雄從至射熊館還上長楊賦以風

傳本

陽祿成帝班婕妤以趙氏姊弟驕妬恐久見危作賦自傷悼曰痛陽祿與柘館兮仍襁褓而離災外戚

涿沐成帝許美人前在上林涿沐館數召入飾室中若

舍一歲再三召留數月或半歲御幸元延二年裹子其

十一月乳上

長平王莽知太后厭居深宮中欲虞樂廼令太后四時巡狩四郊存見孤寡貞婦春幸繭館率皇后殯侯夫人

桑遵霸水而被除夏遊節宿鄠杜之間秋歷東館望昆

明集黃山宮冬饗飲飛羽校獵上蘭登長平館臨涇水

而覽焉莽傳

承光王莽壞徹城西苑中建章承光包陽大臺儲元宮

及平樂當路陽祿館凡十餘所取其材瓦以起九廟師

古曰自建章以下至陽祿皆上林苑中館傳本

祕館賈逵明左氏傳國語為之解詁五十一篇永平中

上䟽獻之顯宗寫藏祕館後傳蔡邕上書曰臣得以學問

執事祕館操管御前傳本

裸遊靈帝初平三年遊於西園起裸遊館十間采綠苔

而被堦引渠水以繞砌周流澄澈乘船以遊漾使宮人

乘之拾遺記

崇文魏有崇文館唐六典注

玄武魏氏起玄武館於芒垂張景陽玄武觀賦所謂高

樓特起竦踣岩堯直亭亭以孤立延千里之清飈也水經

渭陽魏明帝為外祖母築館於甄氏既成自行視謂左

右曰館當以何為名侍中繆襲曰陛下聖恩齊於哲王

罔極過於魯閔此館之興情鍾舅氏宜以渭陽為名世說

東都東都館者蓋東武楊侯之館也俄而遷居謂余曰

吾將老焉故有終焉之心而無移易之意子且為我賦

之賦潘尼

儒學宋元嘉十五年車儒學於北郊命雷次宗居之南史

紀上好儒雅十六年命丹陽尹何尚之立玄素學著作

即何承天立史學司徒叅軍謝元立文學各聚門徒多

就業者上元嘉有玄史兩館六典注

招隱元嘉中徵雷次宗至京師開館於鷄籠山聚徒教

授又之還廬山後又徵詣京邑為築室於鍾山西巖下

謂之招隱館使為太子諸王講次宗不入公門乃使自

華林東門入延賢堂就業隱逸傳

太平褚伯玉字元璩居剡瀑布山宋孝建二年徵聘不

就齊太祖即位手召吳會二郡以禮迎遣又辭疾上不

欲違其志敕于剡白石山立太平館居之齊高逸傳

總明武帝永明三年既立國學省總明觀詔于王儉宅

開學士館以總明四部書充之本傳何休之為總明館學

士本傳宋太始齊永明有總明館注六典

五館梁武天監四年詔開五館建立國學摠以五經教

授置五經博士各一人以明山賓陸璣沈峻嚴植之賀

瑒補博士各主一館館有數百人南傳植之兼五經博

士植之館在湖溝每當登講五館生畢至聽者千餘人

本傳帝別開五館其一館在憲宅西憲常招引諸生談論

新義同輩嗟服本

集雅天監五年五月置集雅館以招遠學大同七年十

二月於宮城西士林館延集學者南史御覽前後差誤

仙人華林園中有大海即漢天淵池也中猶有魏文帝

九華臺元魏宣武在海內作蓬萊山山上有仙人館上

有釣臺殿并作虹蜺閣乘虛來往至於三月禊日季秋

巳辰皇帝駕龍舟鷁首遊於其上海西南有景山殿山

東有義和嶺山西有姮娥峯上有寒露館山北有玄武

池山南有清暑殿殿東有臨澗亭殿西有臨危臺洛陽加藍

文林北齊後主緯幼而令善及長頗學綴文置文林館

引諸文士焉紀馬元熙字長明敬德子也少傳父業兼

長文藻以通直待詔文林館北史本傳

通道長孫熾字仲光周武帝崇尚道德求學兼經史者

為通道館學士熾應其選北史傳十

四方隋於建國門外置四方館以待四方使客各掌其方國乃互市等注六典玄宗詔徙姚崇寓四方館崇以館局華大不敢居上曰設四方館為官吏也使卿居之為社稷也本傳

脩文唐武德四年置脩文館於門下省九年改曰弘文館神龍元年改曰昭文館以避孝敬皇帝之名官志

文學四年太宗討平東夏海內無事乃銳意經籍於秦府開文學館廣引文學之士以府屬杜如晦等十八人為學士舊儒學傳帝以魏王泰好士善屬文詔即府置文學館得自引學士本

崇賢貞觀十三年置崇賢館上元二年避太子石改崇

文館百官志李善為崇賢館直學士舊邕傳

臨臯李固言為西川節度詔雲韶雅樂即臨臯館送之本傳

廣文元宗愛鄭虔之材欲置左右以不事事更置廣文館以虔為博士虔聞命不知廣文曹司何在訴宰相宰相曰上增國學置廣文館以居賢者令後世言廣文博士自君始不亦美乎虔乃就職品秩同大學久之雨壞廡舍有司不復脩完寓泊國子館自是遂廢本傳天寶十

三載八月綦母潛遷廣文博士集賢注記

空館竟陵掾劉諷夜投空館有三女郎至歌曰明月清風良宵會同星河易翻歡娛不終綠尊翠杓為君斟酌

風良宵會同星河易翻歡娛不終綠尊翠杓為君斟酌

風良宵會同星河易翻歡娛不終綠尊翠杓為君斟酌

風良宵會同星河易翻歡娛不終綠尊翠杓為君斟酌

令女不飲何時歡樂忽有黃衣人曰婆提王屈娘子速

來女即皆起明旦拾得翠斂數隻幽怪錄

孤館陶穀使於南唐因書十二字於官舍壁間曰西川

狗百姓眼馬包兒御厨飯宋齊丘解云十二字包四字

云獨眠孤館于文虎序

靖冥禽殫中衰相與集於靖冥之館羽獵賦

迎風覘往昔之遺館獲林光于秦餘既新作於迎風增

露寒與儲胥西京賦薛綜注曰露寒儲胥皆館名今本無

黃華置酒乎黃華之館補都賦

桃林襄陽縣南有桃林館是餞行送歸之所萃也荆州圖

天中記十卷終

